MIND THE GAP!

SETSWANA PUO YA GAE

Matsapa di a tsaya kae? – SS Mokua
Kaedi ya go Ithuta Terama
KAEDI YA GO ITHUTA TERAMA YA MATSAPA DI A TSAYA KAE?

MIND THE GAP
S.S MOKUA

SETSWANA PUO YA GAE

Setswana HL Mind the Gap

( Kaedi ya go ithuta terama ya matsapa di a tsaya kae?)

ISBN 978-1-4315-3392-3
This content may not be sold or used for commercial purposes.

Curriculum and Assessment Policy Statement (CAPS) Grade 12 Setswana Home Language Mind the Gap study guide for the drama: Matsapa di a tsaya kaе? by SS Mokua.

This publication has a Creative Commons Attribution Noncommercial Sharealike Licence. You can use, modify, upload, download, and share content, but you must acknowledge the Department of Basic Education, the authors and contributors. If you make any changes to the content you must send the changes to the Department of Basic Education. This content may not be sold or used for commercial purposes. For more information about the terms of the license please see: http://creativecommons.org/licenses/by-nc-sa/3.0/.

Copyright © Department of Basic Education
2019 222 Struben Street, Pretoria, South Africa
Contact person: Ms C. Weston
Email: Weston.C@dbe.gov.za
Tel: (012) 357 4183
http://www.education.gov.za
Call Centre: 0800202933

Acknowledgements
The extracts from the drama in this study guide are from Matsapa di a tsaya kaе? by SS Mokua.

Mind the Gap Team
Senior Project Leaders: Dr S. Malapile, Ms C Weston
Production co-ordinators:
B. Monyaki, B. Ras, M. Phonela, M. Nematangari

Designer: Page82 Media
Onsite writers’ workshop support:
J. Mphidi, V. Magelegeda, P. Hlabiwa, R. Maboye, N. Malope
Ministerial Foreword

The Department of Basic Education remains steadfastly committed to innovative strategies aimed at enhancing learner attainment. Consistent with the government’s commitment in promoting the indigenous languages that form the tapestry of our democratic landscape, this Mind the Gap Self study guide is a concrete demonstration of this commitment.

The release of this self-study guide incorporates all the official African Home Languages focusing on the novel genre at this stage. Not only does the study guide incorporate the African languages, but it also incorporates South African Sign Language Home Language, Afrikaans Home Language and English First Additional Language.

The Mind the Gap Literature Self Study Guide is responding to the broader sectoral reading challenges that the country is experiencing. It seeks to strengthen the following strands of the National Reading Sector Plan: Teacher Development and Support; Direct Learner Support; and Provisioning and Utilisation of the Learning and Teaching Support Materials. Its interactive nature will make it easier for both teachers and learners to read, to learn or study. It is hoped that through this Study Guide, the reading and learning outcomes will be achieved.

Key terminologies are explained or illustrated in a simplified manner and examples of the types of questions as a learner you may expect to be asked in an examination, are included in this study guide. In order to build your understanding, specific questions and possible responses forms part of the study guide package.

The study guide is designed to appeal to any learner offering Grade 12, whether as a part-time or a full-time candidate. Educators in the field will also find it an invaluable resource in their practice.

Every learner is a national asset, all you need now is to put in the hours required to prepare for the examinations and excel! We wish each and every one of you good luck and success.

MRS AM MOTSHEKGA, MP
MINISTER
DATE: 14 NOVEMBER 2019
<table>
<thead>
<tr>
<th>DITENG</th>
<th>TSEBE</th>
</tr>
</thead>
<tbody>
<tr>
<td>KGAOLO YA NTLHA</td>
<td></td>
</tr>
<tr>
<td>Matseno</td>
<td>3</td>
</tr>
<tr>
<td>Morutwana wa Mophato wa 12 yo o rategang</td>
<td>3</td>
</tr>
<tr>
<td>O ka dirisa jang kaedi e ya go ithuta?</td>
<td>3</td>
</tr>
<tr>
<td>Thadiso ya Setswana Puo ya Gae, Pampiri ya 2: Tlhatlhobo ya Dikwalo</td>
<td>4</td>
</tr>
<tr>
<td>Tlhamo ya dikwalo</td>
<td>3</td>
</tr>
<tr>
<td>Ka letsatsi la tihatlhobo</td>
<td>4</td>
</tr>
<tr>
<td>Ke eng se batihatlhobi ba se solofetseng</td>
<td>5</td>
</tr>
<tr>
<td>Mafoko a a dirisiwang go botsa dipotso</td>
<td>5-6</td>
</tr>
<tr>
<td>KGAOLO YA BOBEDI</td>
<td></td>
</tr>
<tr>
<td>THADISO</td>
<td>8</td>
</tr>
<tr>
<td>Matseno</td>
<td>8</td>
</tr>
<tr>
<td>Bayokerafi ya moterema</td>
<td>9</td>
</tr>
<tr>
<td>Lemorago la terama</td>
<td>9</td>
</tr>
<tr>
<td>Kgang e anelwa jang?</td>
<td>10 - 13</td>
</tr>
<tr>
<td>KGAOLO YA BORARO</td>
<td>14</td>
</tr>
<tr>
<td>TSEKATSHEKO YA TERAMA YA MATAAPA DI A TSAYA KAE GO YA KA TATELANO YA DITERAMAKHUTSHWE</td>
<td></td>
</tr>
<tr>
<td>Teramakhutshwe ya 1: <em>Matsapa di a tsaya kae?</em></td>
<td>14 - 21</td>
</tr>
<tr>
<td>Teramakhutshwe ya 2: <em>Batho ga ba tshwane</em></td>
<td>21 - 29</td>
</tr>
<tr>
<td>Teramakhutshwe ya 3: <em>Sekoropolapa</em></td>
<td>30 - 35</td>
</tr>
<tr>
<td>Teramakhutshwe ya 4: <em>Mosadi ke wa me</em></td>
<td>36 - 42</td>
</tr>
<tr>
<td>Teramakhutshwe ya 5: <em>Metlholo ga e fele</em></td>
<td>43 - 48</td>
</tr>
<tr>
<td>KGAOLO YA BONE</td>
<td></td>
</tr>
<tr>
<td>Dikaedi tsa go tshwaya</td>
<td>49 - 61</td>
</tr>
</tbody>
</table>
MORUTWANA WA MOPHATO WA 12


O KA DIRISA JANG KAEDI E YA GO ITHUTA?
- Mo kaeding e, o tlaa bona ditiragalo tsa sešweng tse di thottheleditseng moterama go kwala. Go na le thadiso ka mokgwa o ditiragalo di thagisitsweng ka ona.
- Go na le ditirwana le dikarabo tse di tlaa go thusang go ipaakanyetsa tihatlhobo.

THADISO YA SETSWANA PUO YA GAE, PAMPIRI YA 2: TLHATLHOBO YA DIKWALO

Mo tihatlhobong ya Pampiri ya Dikwalo ya 2, o tshwanetse go araba dipotso go tswa mo dikarolong di le THARO, tsona ke:

| KAROLO YA A: | Poko (30) |
| KAROLO YA B: | Padi/Ditlhangwa tsa setso (25) |
| KAROLO YA C: | Terama (25) |

Pampiri e, e na le maduo a le 80.
E kwala mo diureng di le pedi le halofo (2½).  

Araba dipotso di le thano: Di le tharo mo Karolong ya A, e le nngwe mo Karolong ya B le e le nngwe mo Karolong ya C ka mokgwa o o latelang:

Araba FELA dipotso tsa padi le terama tse o di ithutileng.

Araba potso e le NNGWE ya TLHAMO le e le NNGWE ya DIPOTSO TSE DIKHUTSHWANE. Fa o araba potso ya thamo mo KAROLONG YA B, o tshwanetse go araba dipotso tse dikhutshwane mo KAROLONG YA C. Fa o arabile dipotso tse dikhutshwane mo KAROLONG YA B, o tshwanetse go araba potso ya thamo mo KAROLONG YA C.

Karo A: Poko  
Maboko a a thaatwsweng – Araba dipotso di le pedi.  
Leboko le le sa thalopenhagen – Le arabiwe ke bothe.

Karo B: Padi/Ditlhangwa tsa Setso  
Araba potso e le nngwe.

Karo C: Terama  
Araba potso e le nngwe.
SE O TSHWANETSENG GO SE TLHOKOMELA KA LETSA TSI LA TLHATLHOBO

- Goroga mo phaposing ya tlhatlhobo ura pele ga tlhatlhobo e simolola.
- Dirisa metsotso e le lesome ya go buisa ditaelo le lokwalapotso ka kelotlhoko.
- Tlhopha dipotso tse o batlang go di araba go tswa mo lenaneong la diteng.
- Rulaganya nako ya gago ka nepagal o inaakanye le nako e e tshikintsweng mo tlase ga ditaelo le tshedimosetso.
- Kwa bokhutlong, boeletsa dikarabo tsa gago go netefatsa gore di nepagetse le gore o o arabile dipotso tsothle jaaka go ne go tshwanetse go ya ka lenaneonetefatso.

TLHAMO YA DIKWALO KE ENG?

Tlhamo ya dikwalo ke karabo ya gago ya setlhangwa sa dikwalo (poko/padi/ terama) tse o di ithutileng, mo o tshwanetseng go ranola, tlhatlhoba, akanya kgotsa ka dinako dingwe o fe karabo ya gago ka setlhogo kgotsa morero go tswa mo mofuteng wa lokwalo. Dikakanyo di a thagisiwa le go tshegediwa go lebilwe puo ya setlhangwa se se dirisitsweng.

Malepa a go araba tlahmo ya dikwalo

- Sekaseka setlhogo: thalela mafoko a a botlhokwa mme o netefatse gore o a a tihaloganya gore o kgone go tihaloganya se potso e leng ka ga sona.
- Rulaganya tlahmo – o dirisa mmapa wa dikakanyo kgotsa mokgwa o o bonolo mo go wena.
- Tsepama mo go se se boditsweng ka go netefatsa gore diteng tsa tlahmo ya gago ya dikwalo di golagane le se potso e se batlang.
- Tlahmo e tshwanetse go nna le matseno –itsise setlhogo o be o se tihalose.
- Tlahmo e tshwanetse go nna le ditemana di le tharo kgotsa go feta o inaakantse le boelele jo bo neetsweng go tsweletsa kgolo le motlotlo wa setlhogo.
- Setaele se dule se tihomame. Kwalwa ka dipolelonolo o dirisa ditemana.
- Tlahmo e tshwanetse go felela ka bokhutlo: konosetsa tlahmo ya gago ka polelo kgotsa bokhutlo jo bo maatlha. Buisa tlahmo yothie gape go siamisa diphosoa tsa mopelele le puo.
- DITENG tsa tlahmo di tlhatlhobiwa go lebeletswa thanolo ya setlhogo, boteng jwa kgang, go fa mabaka le go a tsegetsa go ya ka mo o tihaloganyang setlhangwa ka teng.
- PUO le POPEGO tsa tlahmo di tlhatlhobiwa go lebeletswa popego, tatelano e e elelang le neelano, puo, segalo le setaele.
- Diteng, puo le setaele di tlaa abelwa maduo go ya ka ruboriki.
DIPOTSO TSE DIKHUTSHWANE KE ENG?

Mo dipotsong tse dikhutshwane o newa nopolo ya mafoko a a kana ka 400 – 450 go tswa mo terameng, o bo o tshwanelwa ke go araba dipotso tse di ikaegileng ka nopolo e. Dikarabo dingwe tsa dipotso o ka di fithela mo nopolong, tse dingwe ke tse di thathobang boikakanyetsi jwa gago go tswa mo dikarolong tse dingwe tsa terama jaaka, badiragatsi, morero, molaetsa, jalo le jalo.

KE ENG SE BATLHATLHOBI BA SE SOLOFETSENG?

- Go tlhologanya ga gago bokao jo bo tlhamaletseng jwa terama. O tshwanetse go tlhaola tshedimosetso e e neetsweng mo terameng.
- Bokgoni jwa gago jwa go rulaganya dintlha tsa terama sešwa. Sekao, o ka kopiwa go sobokanya dintlha tsa bonthokwa, go neela dipharologanyo kgotsa go tshwana ga badiragatsi.
- Bokgoni jwa gago jwa go neela tshedimosetso e e ka tswang e sa thagisiwa ka thalamalalo mo sethangweng, mme o dirisa o o setseng o se itse ka terama. Se, ke se se itsiweng jaaka go itseela tshwetso. Se, se ka akaretsa mokgwa o tiriso ya dikapuo e ka nnang le seabe ka gona mo go tholeng go thalanganyo terama ka go thalosa merero kgotsa go bapisa ditiro tsadi badiragatsi ba ba farologaneng.
- Bokgoni jwa go thathhoba dintlha dingwe tsa terama mme o ikakanyetse, o ikaegile ka tshedimosetso e e neetsweng mo terameng. Kgato e e itsege jaaka thathhobo. Sekao, o ka bodiwa gore a o dumelana le thagiso e e rileng, kgotsa go sekaseka maikaelelo a modiragatsi mongwe a go dira sengwe.
- Bokgoni jwa gago jwa go tsibogela badiragatsi ba ba mo terameng le gore se se tsosa maikutlo afe. Se, se itsege jaaka kgatlhegelo. Sekao, o ka kopiwa go neela maikutlo a modiragatsi mongwe kgotsa gore wena o ne o tlile go dira eng fa o ne o le mo maemong a gagwe. O ka kopiwa go thalosa ka botlalo mokgwa o puo kgotsa setaele sa moterama se thusang ka teng go thalosa maikutlo a modiragatsi.
- Ela tlhoko: Dipotso tse di batlho 'Ee' kgotsa 'Nnyaya' le tsa tscheno ya maikutlo, di tshwanetse go tshegediwa ka lebaka. Tshegetso ya gago e bontshe fa o na le maikarabelo.

MAFOKO A A DIRISIWANG GO BOTSA DIPOTSO

Tse ke dikao tsa mafuta ya dipotso tse di fithelweng mo thathlobong.

<table>
<thead>
<tr>
<th>Mofuta wa potso</th>
<th>Se o tlhokang go se dira</th>
</tr>
</thead>
<tbody>
<tr>
<td>Tiriso ya tshedimosetso ka thalamalalo: Dipotso tse di botsang ka ga tshedimosetso e e thagisitsweng mo sethangweng ka thalamalalo kgotsa go tswa mo nopolong.</td>
<td>Kwala maina a a kgethegileng a badiragatsi, mafelo, jj</td>
</tr>
<tr>
<td>Neela maina a dilo/batho/mafelo/dikarolo...</td>
<td></td>
</tr>
<tr>
<td>Neela mabaka/modiragatsi/dilwelwa...</td>
<td>Kwala tshedimosetso kwa ntle ga go nna le dipuisano kgotsa ditshwaelo.</td>
</tr>
<tr>
<td>Neela mabaka a le mabedi a...</td>
<td>Kwala mabaka a le mabedi a...</td>
</tr>
<tr>
<td>Supa modiragatsi/mabaka/morero</td>
<td>Kwala leina la modiragatsi, neela mabaka.</td>
</tr>
<tr>
<td>Tthalosa lefelo/modiragatsi/semelo/go diragala eng fa go...</td>
<td>Kwala diponagalo tsa sengwe. Sekao, lefelo le lebega kgotsa le nkga jang? A modiragatsi yo o rileng o siame/ga a na mekgwa/o rata ntwa...</td>
</tr>
<tr>
<td>Ke eng se se dirwang ke modiragatsi yo o rileng fa...?</td>
<td>Kwala ka se se diragetseng – ka se modiragatsi a se dirileng.</td>
</tr>
<tr>
<td>Goreng modiragatsi yo o rileng a dirile se a se dirileng?</td>
<td>Neela mabaka a a dirileng gore modiragatsi mongwe a dire sengwe (go ya ka kitso ya gago ya poloto).</td>
</tr>
<tr>
<td>Ke mang yo o dirileng...?</td>
<td>Kwala leina la modiragatsi.</td>
</tr>
<tr>
<td>Moterama o raya mang fa a re...?</td>
<td>Kwala leina la modiragatsi yo o maleba/motho.</td>
</tr>
</tbody>
</table>

**Thulaganyo sešwa:** Dipotso tse di thokang gore o dirise tshedimosetso e e farolaneng ka mokgwag o o rulaganeng.

| Sobokanya dintlhakgolo/dikakanyokgolo... | Kwala dintla tsa bothlokwa ka boripana. |
| Kgobokanya dikarolwana/mabaka a ka gale... | Kopanya dilo tse di tshwanang. |
| Neela thadiso ya ... | Kwala dintlhakgolo ka boripana. |

**Go itseela tshwetso:** Dipotso tse di thokang gore o ranole sethbangwa, o dirisa tshedimosetso e e sa neelwang ka botlalo mo setlhbangweng, o e dirisa mo maemong a maitemogelo a gago a botho. Kgato e, e akaretsa go akanya ka se se diragetseng mo dikarolong tse dingwe tsa setlhbangwa, ka go go neela ditemosi tse di go bolelelang ka ga modiragatsi kgotsa morero mme o dirisa thaloganya ya gago go go thusa go tholaganya sethbangwa.

| Thalosa gore kakanyo e e amana jang le morero... | Supa kamano le morero. |
| Bapisa dikakanyo/ maitsholo/ ditiragatso (ditiro) tsa modiragatsi yo o rileng le tsa modiragatsi yo mongwe... | Bontsha go tshwana le go farologana. |
| Mafoko a kaya eng/a bontsha eng ka ga modiragatsi yo o rileng, maemo a, a go raya a reng ka modiragatsi yo o rileng... | Bolela se o se naganang ka bokao, o lebeletse go thalaganya sethbangwa ga gago. |
| Modiragatsi yo o rileng o tsiboga jang fa...? Thalosa ka mokgwag o sengwe se ntseng se seabe ka gona mo... Bolela gore o itse jang gore modiragatsi yo o rileng o ... | Kwalagwag o modiragatsi a tsibogang ka ona/ modiragatsi o dirile eng kgotsa o ikutlwa jang. |
| Ke eng se modiragatsi yo o rileng a se kayang ka...? | Thalosa gore goreng modiragatsi a dirisitse mafoko a a rileng. |
| A polelo e e latelang e nepagetseng kgotsa e fosagetse? | Kwala "nepagetseng" kgotsa "fosagetse" fa thoko ga palo ya potso. Neela lebaka la karabo ya gago. |
Tlhopha karabo e e nepagetseng go feleletsa polelo e e latelang. | Go neetswe dikarabo tse di mmalwa tse go dirisitsweng thaka A – D. Kwala thaka fela fa thoko ga Palo ya potso.
---|---
Nopola mola go netefatsa karabo ya gago. | Kwala polelo e e maleba go tswe mo sethangweng o dirisa mafoko a a tshwanang mmogo le matshwaopuso.

**Tlhatlhobo:** Dipotso tse di tlhokang gore o thathhoe o ikaegile ka kitso le go thalaganya sethangwga le maitemogelo a gago.

| Tlhalosa kakanyo ya gago/maikutlo a modiragatsi /morero… | Tlhokomela tshedimosetso yotlihe o bo o tseye tshwetso.
A o nagana gore… | Dipotso tse, ga di na dikarabo tse di ‘nepagetseng’ kgotsa tse di ‘fosagetseng’, fela o tshwanetse go tshegetsya kakanyo ya gago ka lebaka, o ikaegile ka tshedimosetso e e neetsweng mo sethangweng.
A o dumelana le gore… | A o nagana gore…
Go ya ka wena, ke eng… | A o nagana gore…
Neela nthakemo ya gago ka ga… | Neela nthakemo ya gago ka ga…

**Kgatlhegelo:** Dipotso tse di botsang ka ga tsibogelo ya gago ya maikutlo ka se se diragalang, badiragatsi le mokgwa o e kwadilweng ka ona.

| O ne o tlaa ikutlwa jang fa o ne o le modiragatsi yo o rileng? | Dipotso tse, ga di na dikarabo tse di ‘nepagetseng’ kgotsa tse di ‘fosagetseng’, fela o tshwanetse go tshegetsya kakanyo ya gago ka lebaka, o ikaegile ka tshedimosetso e e neetsweng mo sethangweng.
Bua ka tsibogo ya gago mo sethangweng/tiragalong/ maemong/ kgotlhang/ pitlaganong … | Bua ka tsibogo ya gago mo sethangweng/tiragalong/ maemong/ kgotlhang/ pitlaganong …
A o utlwela modiragatsi yo o rileng bothhoko… | A o utlwela modiragatsi yo o rileng bothhoko…
Tshwaela ka bottlalo ka tiriso ya setaele, segalo, puo ya botshwantshi le mmuisano tsa moterama… | Fa o araba mofuta o wa potso, iopotse dipotso tse: A setaele se se nthusa go akanya ka se se diragalang? Modiragatsi o ikutlwa jang? Goreng a ikutlwa jalo? Neela lebaka la karabo ya gago.
KGAOLO YA BOBEDI

2. THADISO

2.1 MATSENO

Botshelo ga se mareledi e bile ga bo elele jaaka no ka kgotsa melatswana, bo na le mebotswana fela jaaka lefatshe le bopilwe ka dithaba le dithotana. Botshelo le bona, bo na le dikgwethlo kgotsa ona mathata a o tlaa rakanang le ona fa o le motshed. Fela jalo, mo diteramakhutshweng tsa Matsapa di a tsaya kae? go na le bothata kgotsa maparego a moterama a a lebaganyang le badiragatsi go tlhola kgotlhang gareng ga bona.

Matsapa di a tsaya kae? ke terama e e akaretsang diteramakhutshwe tse di latelang: Matsapa di a tsaya kae?, Batho ga ba tshwane, Sekoropolapa, Mosadi ke wa me le Metlholo ga e fele. Mo go tsona, moterama o thagisa bothata jo bo tlholang kgotlhang, e a feleletsang a ipotsa gore ruri matsapa di a tsaya kae (bothata jo, bo tlholwa ke eng?)

Puiso ya gago ya diteramakhutshwe tse ka tse ne lelo, e tlaa go senolela mathata kgotsa matsapa a moterama a a thagisang mo go tsona. Dikao:

- **Matsapa di a tsaya kae?** – bothata bo thodilwe ke Tlhapi fa a ne a setse a sweditse le rraagwe gore bogadi ba ga Ntshidi bo tswele kwa gaabo Tlhapi le go tsewa ke rraagwe le mororo a ne a godisitswe ke Legae.
- Mo go ‘Batho ga ba Tshwane’ – bothata bo bakwa ke go sa tshwane ga batho, le dikakanyo ts a bona ga di na go tshwana e bile ga ba ne ba tsaya ditshwetso ka go tshwana.
- **Sekoropolapa** – bothata bo tlholwa ke badiragatsi ba ba thlaetsang ba bangwe matlho, ba ba bitsa ka maina a tsotlo.
- **Mosadi ke wa me** – lenyatso, bopelotshetla le go rata madi di baka bothata mo go Raesebo yo bagaabo mosadi ba batlang go mo tseela tshwetso ka ga mosadi wa gagwe mme se, se dira gore a re ‘mosadi ke wa me’.
- Mo go ‘Metlholo ga e fele’ – dilo dingwe di diragalela batho ka mokgwa o o sa amoge lesegeng mme se, se tlhola bothata.
2.2 BAYOKERAFI YA MOTERAMA

SS MOKUA

Rre Sello Mokua ke ngwana wa bobedi wa ga Rre Molefi le Mme Shadimme. O belegetswa kwa Chaneng mo tikologong ya Rustenburg, ka la 09 Phukwi 1955.

O goletse mo lelapeng la ga raagwemogolo, Molemi, mo motseng wa Tweelaagte. Ba ne ba disa mo dithabeng ts'a kwa Bapong, ba bogisiwa ke basimane kwa madisong, ba rwalela kwa morago ga thaba ya Ratumuga, ba ja moretologa, mmilo, jalo jalo.

O tshamekile karate ya Kiyokoshinkai. Kgwele ya dinao yona ga a ya kgakala le yona. Ke tokololo ya Rand Athletic Club, o taboga dimmarathone. O rata thata lebelo la City to City la 50 Km ga tloga kwa Johannesburg go fitlha Tshwane.

Mokua o tsene sekolo kwa Tweelaagte, Chaneng, Moletsane, Bafokeng, Kholetšhe-Katiso ya Hebron, Kholetšheng ya SOWETO le SAKTE. O lekile go dira dithuto tsa yunibesithi mme ga a ka a di wetsa ka ntliha ya mathata a a neng a na nao.


O kwadile maboko, dikhumshwe, terama le dithangwa tsa setso kgotsa dinaane.

2.3 LEMORAGO LA TERAMA

Lemorago la terama e, le ama ditiragalo tse di farologaneng tsa mathata a a itemogelwang go ya ka ditiragalo tsa tsona. Mo teramakhutshweng ya ‘Matsapa di a tsaya kae’, bothata bo tlisiwa ke bogadi, fa mo go ‘Batho ga ba tshwane’ mathata e nna mokgwa wa go akanya le go tsaya ditshwetsa o o sekametseng mo lethakoreng le le lengwe, mo go ‘Sekoropolapa’ ke lenyatso le go tseela batho ba bangwe kwa tiase ka ntliha ya lerato le e seng lona kgotsa la boitimokanyi, mo go ‘Mosadi ke wa me’ ke bopelotshetla le go rata madi ka ntliha ya dithoto tsa moswi mme mo go ‘Methylolo ga e fele’ ke methylolo e e diragalelang batho ba ba nnang mo ntlong e e me sekhutlong.
2.4 KGANG E TLHAGISIWA JANG?

Karolo e, e thadisa ka diponagalo tsa terama tse moterama a di dirisang go tlotla kgang.

2.4.1 MAITSHELEGO

Maitshetlego a kaya lemorago kgotsa boalo jo moterama a bo alang gore ditiragalo tsa terama di lebege kgotsa di kgodise gore di diragetse ka nnete mo botshelong. Magareng ga tse dingwe a akaretse lefelokgang le paka/motsi/motlha wa ditiragalo. Paka e ka nna ya setso/segologolo, sešwa/segompieho kgotsa ya mo magareng.

2.4.2 BADIRAGATSI LE TIRAGATSO

Badiragatsi ke batho ba ba farologaneng, ba ba ipetletsweng ke moterama gore ba diragatse kgotsa ba tshameke ditiragalo tse a senolang morero ka tsona. Tiragatso ke mokgwa o moterama a upololang botho jwa badiragatsi ka ona, ka go thalosha dikakanyo, maikutlo, ditlhagiso le ditiro tsa bona. Fa o buisa terama o tshwanetse go leba bosupi jo bo bontshang botho jwa badiragatsi le maikutlo a bona le mokgwa o bo fetogang fa mmuisano o tsweletse. Badiragatsi kgotsa batshameki bona ga ba anele, mme ba diragatsa ka ditiro le mmuisano.

Go na le badiragatsi ba ba tshelega bong badiragatsi ba ba kgolokwe (ba madi le nama) le badiragatsi ba ba sephara (ba mmopa) e leng mokgwa o mokwadi a ba tlhagisang ka ona. Badiragatsi ba fetoga ka tsela e e rileng, ka nthla ya ditlamorago tsa tiragalo nngwe. Ba na le dithhaloso di le dintsi tse di ka tswang ka moterama, mmuisano kgotsa ditiro tsa bona. Ba matswakabele jaaka batho ba boammaaruri – sk. modiragatsi o boboi, o lerato, o dikgoka.

Badiragatsi ba ba sephara (ba mmopa)

Badiragatsi ba ba sephara (ba mmopa) ga ba fetoge ka gope mo tsamaong ya ditiragalo. Ba tlhagiswa ka boleng kgotsa kakanyo e le nngwe mme ba ka thaloswa ka polelo e le nngwe,
sekao, a ka siama gotthelele. Se se kaya gore modiragatsi yo o sephora a ka siama kgotsa a nna bosula mo lokwalong lothe e bile ga a dumelesege.

**Badiragatsi ba ba kgolokwe (ba madi le nama)**

Badiragatsi ba ba kgolokwe (ba madi le nama) *ba a fetoga*. Ba thagiswa ka boleng kgotsa dikakanyo tse di farologaneng mme ba gola go ya ka kgolo ya ditiragalo. Ba thalosiwa ba le matswakabele, ba thagiswi ka dimelo tse di farologaneng, ba a lela, ba a tshega, ba a galefa, ba nna bonolo go ya ka ditiragalo mo lokwalong lothe. Badiragatsi ba, ba emela batho ba ba tshelang ka tota, ba o ka se ba itseng mme ba fetoga go ya ka ditiragalo. Modiragatsi yo o kgonang go fetogafetoga, o kaiwa e le yo o golang.

**2.4.3 MEFUTA YA BADIRAGATSI**

Badiragatsi ba ka aroganngwa go ya ka ditiro le mmuisano wa bona mo terameng. Go na le mogapatio (modiragatsimogolo/molwantshiwa) le mokganatio (molwantshi) le mottaleleletsi.

**Mogapatio/Modiragatsimogolo**

Mogapatio e ka nna modiragatsimogolo fa ditiragalo di simolola le go ikaega ka ena go fitlha kwa bokhutlong. Ke ena yo o nang le bothata, yo o ngongoregang ka go tshwenngwa ke mokganatio kgotsa molwantshi. Boobabedi ba thusa go senola morero wa terama, ka ditiragalo di dikologa mo go bona. Modiragatsimogolo o okame terama yothe mme badiragatsi ba batlaleleletsi ba amana le ena ka ditiro le mmuisano. Fa a atlega e nna mofenyi, fa a fenngwa e nna motswasetlhabelo.

**Mokganatio / Molwantshi**

Mokganatio fela jaaka mogapatio le ena e ka nna modiragatsimogolo fa e le gore o kampana kgotsa o gothagothhana le mogapatio go tloga kwa tshimologong go fitlha kwa bokhutlong. O baka bothata ka go tshwenya kgotsa go kampana le mogapatio, e bile ke ena a tholang kgotlhang ka go goltshana le mogapatio.

**Molothanyi kgotsa mothothleletsi**

Ke modiragatsi yo o kuketsang sebi magareng ga mogapatio le mokganatio. A ka nna lomao lo lo nthapedi kgotsa nta ya selomelakobong. A ka leka go tisa kagiso kgotsa a thothotheletsa ntwa magareng ga mogapatio le mokganatio, boobabedi ba sa lemoge maikaelelo a gagwe.

Badiragatsi bangwe ke batlaleleletsi fela ba ba se nang seabe sepe se se kalo. Bangwe ba thagelela gangwe fela. Ba ka tshegetsa mogapatio kgotsa mokganatio.

**Dimelo tsa badiragatsi**

Ke dintlha tse di botlhokwa ka maithsholo a motho. Di ka senolwa ka ditiro le dipuo tsa batho kgotsa tsa modiragatsi. Batho bothe ba na le dimelo tse di senolwang ke ditiragalo le dipuo tsa batho ka bona. Botho le mekgwa di a nyalana.
2.4.4 MORERO/THITOKGANG/KGANKGOLO

- Ke thitokgang kgotsa kgankgolo e moterama a re tlhagisitseng yona mo terameng. Ditiragalo tsa terama di ikaegile le go dikologa mo go ona.
- Mmuisano magareng ga badiragatsi ke seikokotlelo se moterama a se dirisang go senola morero wa teramakhutshwe ya gagwe.

2.4.5 MOLAETSA/THUTO

Molaetsa kgotsa thuto di ikaegile ka morero wa teramakhutshwe. Teramakhutshwe e ngwe le ngwe e na le molaetsa kgotsa thuto e moterama a batlang go e arogana le babuisi go tswa mo ditiragalong tsa teramakhutshwe. Go ya ka maitemogelo a gagwe a botshelo, moterama o re takela/bontsha setshwantso sa botshelo ka ditiragalo le mmuisano wa teramakhutshwe ya gagwe, maikaelelo e le go gorosa molaetsa kgotsa thuto e e rileng go babuisi.

2.4.6 SEGALO

- Segalo ke mokgwa o moterama a senolang maikutlo a gagwe ka ona.
- Segalo mo terameng se a fetogafetoga go ya ka ditiragalo tse di se senolang.
- Segalo se tisa maemo a a renang mme se ikaegile ka maikutlo.
- Se ka tlahosiwa e le sa botsalano, lerato, lonyatso, kutlobotlhoko, boitumelo, kakgolo, tshotlo, kgalefo, le go gobisa.

2.4.7 MAIKUTLO

Maikutlo ke sengwe se mmuisi a itemogelang sona mo teramakhutshweng. E ka nna maikutlo a lerato, lenyatso, kutlobotlhoko, boitumelo, kakgolo, tshotlo, kilol/lethoo le a kgalefo.

2.4.8 POLOTO

Poloto ke eng?

Ke tatelano ya ditiragalo go tloga kwa tshimologong go ya kwa bokhutlong, mme di na le mabaka a a di tlholang. Poloto ya terema e phuthololwa ke kgothang go ya ka dikgato tsa yona. Tsona ke tse di latelang:
Tshimologo
Mo tshimologong re itsisiwe badiragatsi le kamano ya bona. Ke moo ditiragalo di thaegang teng.

Tharaano /Thatafalo/Tlhakatlhakano
Bothata bo simolola go tlhagisa tlhogo, badiragatsi ba tsogelana kgatlhanong.

Setlhoa
Go tlhakatlhakane, ntwa e ile magoletsa, ga go modiragatsi yo o rekegelang yo mongwe. Motsetse o ja ka seatla.

Tharabolololo
Ditiragalo di simolola go supa tharabololo ya bothata le gore mofenyi e tlaa nna ofe.

Bokhutlo
Bothata bo khutile.

2.4.9 MEFUTA YA KGOTLHANG
Go na le mefuta e e farologaneng ya dikgotlhang yona ke e e latelang:

Kgotlhang magareng ga badiragatsi
Kgotlhang magareng ga badiragatsi (pharologanyo kgotsa go gothana ga dikakanyo tsa badiragatsi. Go sa utlwane fa gare ga badiragatsi ba le babedi kgotsa go feta.

Kgotlhang magareng ga badiragatsi le tikologo/loago/setso
Ke fa modiragatsi a le kgatlhanong le mokgwa o dilo di diriwang ka ona mo tikologong e e rileng. A ka nna kgatlhanong le meetlo ya tikologo eo.

Kgotlhang ya dikakanyo kgotsa ya maikutlo
Kgotlhang ya maikutlo mo mothong (Maikutlo a a farologaneng mo mothong ka sengwe). Fa modiragatsi a le mo marakanelong a ditsela, a sa itse gore a tseye tshwetso efe. Gantsi re e lemoga fa motha a bua a le esi ka tshwetso e a batlang go e tsaya. Modiragatsi a ka buela kwa godimo kgotsa mo pelong.
KGAOLO YA BORARO

TSHEKATSHEKO YA TERAMA YA MATSAPA DI A TSYAYA KAE GO YA KA 
TATELANO YA DITERAMAKHUTSHWE

3. TSHEKATSHEKO YA TERAMA YA MATSAPA DI A TSYAYA KAE?

3.1. MAITSHELETLEGQ

Paka e ditiragalo di diragalang ka yona ke ya sešwa kgotsa segompieno gonne go na le 
kgolelegelo, bookelo, mmotšhari, yunibesithi le ditimela.

Mafelokgang a ditiragalo di diragalelang mo go ona, le fa a sa thaloswa, ke a metsesetoropo. 
Ditiragalo tse di diragalang mo metsesetorong e, di a kgodisa. Ditiragalo tsa teramakhutshwe 
e, di simolola mo lefelokgannya le le sa umakiwang mme di tswelela kwa Naledi kwa Legae 
a neng a fudugela teng le balelapa la gagwe.

Naledi

- Ke motsesetoropo o baagi ba ona ba neng ba aga diphaposí kwa morago ga matlo 
a bona tse ba neng ba duedisa batho marobalo mo go tsono.
- Go na le bookelo le mmotšhari.

Jabulani

- Ke motsesetoro o o nang le seteišene sa mapodisa.

Kapa

- Kapa ke toropo e e nang le yunibesithi, kwa Ntshidi a neng a tsena gona.

De Aar

- Ke toropo e e nang le seteišene sa mapodisa le sa terena. Ke wa Ntshidi a latlhegetsweng 
ke botshelo jwa gagwe gona morago ga go tshwarwa poo.

3.2 KAROLOGANYETSO YA BADIRAGATS

Modiragatsimogolo (mogapatiro)

Legae

- O nyetse Tlhabi, o e gapile le namane e leng Ntshidi. O tsentse Ntshidi sekolo ka 
tshokolo ka go itima dilo di le dintsi. Fa ngwana a ntshetswa bogadi, Legae e nna 
modiri ga se moji.
Modiragatsimogolo kgotsa mokganatiro

**Tlhapi**
- O dumelane le rraagwe le Ntshidi gore bogadi bo tswele kwa Mmitolente Legae a sa itse le mororo e le monna wa gagwe.

**Molothanyi kgotsa motlhottheletsi**
- **Ntshidi**
  - O fitlhela rraagwe sephiri sa gagwe sa gore o mo mmeleng le go dumelana le mmaagwe go rera tsa bogadi jwa gagwe rraagwe e leng Legae a sa itse.

**Batlaleletsi**

**Seane le mosetsana wa morwa wa kwa seteišeneng.**

**Seane** o dumelana le morwadie e leng Tlhapi gore bogadi jwa ga Ntshidi bo tswele kwa ga gagwe kwa Mmitolente le mororo a itse gore Legae o e gapile le namane/o nyetswe ka ngwana.

**Mosetsana wa morwa** – o tshwara Ntshidi poo le go mmolaya, mme seno se thusitse go feretha Tlhapi maikutlo mme a ipotsa potso ya gore matsapa di a tsaya kae mabapi le loso lwa ga Legae le la ngwana yo.

### 3.3 ITSE BADIRAGATSI BA GAGO!

<table>
<thead>
<tr>
<th><strong>MATSAPA DI A TSAYA KAE?</strong></th>
</tr>
</thead>
<tbody>
<tr>
<td><strong>Modiragatsi</strong></td>
</tr>
<tr>
<td><strong>Legae</strong></td>
</tr>
<tr>
<td>O maikarabelo</td>
</tr>
<tr>
<td>O lerato</td>
</tr>
<tr>
<td>O tsaya tshwetso ka gangwe.</td>
</tr>
<tr>
<td>O kemonokeng.</td>
</tr>
<tr>
<td><strong>Tlhapi</strong></td>
</tr>
<tr>
<td>O bofitilha/o sephiri.</td>
</tr>
<tr>
<td>O lenyatso.</td>
</tr>
<tr>
<td>Ga a na maikarabelo.</td>
</tr>
</tbody>
</table>
### 3.4 MORERO

Morero wa teramakhutshwe e, ke bogadi gonne ditiragalo di thankgololwa/simololwa le go dikologa mo go bona. Ke bone bo tlholang kgotlhang ya teramakhutshwe e.

### 3.5 MOLAETSA

Melaetsa e e latelang e ka inopolelwa go tswa mo teramekhutshweng e:

- Fa badimo ba sa rate dinkgo di a wa/fa dilo di sa tsamaye ka tshwanelo, ga go siame sepe.
- Motho ga a itsiwe e se naga.

### 3.6 MEFUTA YA DIKGOTLHANG

**Kgotlhang ya maikutlo:**

- Legae o na le kgotlhang le maikutlo a gagwe gore a sutele Malebye go sa ntse go na le kutlwano.
- Legae o na le kgotlhang le maikutlo a gagwe ka gore o ya go lebega e se monna wa sepe fa a ka ya kwa ga rratsalaagwe.
- Tlhapi o na le kgotlhang le maikutlo a gagwe ka ntla ya go sa goroge ga ga Legae go tswa kwa tirong.

**Kgotlhang fa gare ga badiragatsi:**

- Malebye o na le bothata le go nwa thata ga ga Tlhapi.
- Kgotlhang fa gare ga Legae le Tlhapi gore bogadi ba ga Ntshidi bo tshwanetse go amogelwa ke mang.

**Kgotlhang fa gare ga badiragatsi le tikologo/loago/setso:**

- Bogadi ba ga Ntshidi bo ya go tswela kwa gaabo rraagwemogolo kwa Mmitolente e bile bo tlaa amogelwe ke rraagwe Tlhapi. Se, se kgatlanong le setso ka ntla ya gore Setswana sa re o e gapa le namane. Go ya ka setso bomalome ke bona ba tshwanetseng go amogela bogadi e seng rraagwemogolo, mme se, se tlhola kgotlhang fa gare ga Tlhapi le Legae.
3.7 POLOTO

Tshimologo

- Legae le balelapa la gagwe ba iponela bonno kwa ga Metsing, ba sutela balelapa la ga Malebye, monnawe.

Tharaano/ Thatafalo/ Tlhakatlhakano

- Tlhapi o neela Legae lekwalo le le tswang kwa go Matsukas le mo go lona ba itsiseng fa ba tlie go ntshetsa Ntshidi bogadi.
- Tlhapi o netefaletsa Legae fa Ntshidi a tlotswe ke dikgwedi di le tharo. O thalosa fa ena, rragwe e bong Seane le Ntshidi ba ntse ba itse ka kgang ya go ima ga ga Ntshidi le ya bogadi.

Setlhoa

- Tlhapi o bolelela Legae gore bogadi ba ga Ntshidi bo ya go ntshetswa kwa gaabo kwa Mmitolente e bile bo ya go amogelwa ke rraagwe.
- Legae o leka go nna kgatlanong le kgang e, mme Tlhapi o mmolelela fa ba dumelane ka yona.

Tharabololo

- Legae o swetsa go sa nne karolo ya bogadi jwa ga Ntshidi.

Bokhutlo

- Legae o a tlhokafala.
- Letsatsi pele a bolokwa, Ntshidi o tlhajwa ke mosetsana wa morwa ka thipwa kwa De Aar, mme o a tlhokafala.

3.8 NTE RE GO ALELE PHATE KA GO SOBOKANYA DITIRAGALO TSA TERAMAKHUTSHWE E, PONO KA PONO, GO GO BOPELA SETSHWANTSHO.

Pono ya ntlha (Kwa gaabo Legae)

- Ditiragalo di simolola kwa gaabo Legae.
- Legae o itsise boMalebye ka tshwetso ya bona ya go fudugela kwa Naledi go ba sutela.

Pono ya bobedi (Kwa ga Metsing kwa Naledi)

- Legae le balelapa la gagwe ba fudugetsa mo diphaposingle di kwa morago kwa ga Metsing.
- Botlhe ba itumeletse bonno jo.
- Legae o bona leina la ga Ntshidi mo lolwalodikgannya gore o falotse.
- Batsadi ba solofetsa Ntshidi kemonokeng ya bona fa a tsweletsa dithuto tsa gagwe pele kwa yunibesithing ya Kapa Bophirima.
Pono ya boraro (kwa ga Metsing)

- Tlhapi o neela Legae lekwalo le le tswang kwa ga Matsukas le e leng kitsiso ya go ntshiwa ga bogadi.
- Legae o gakgamaletse diteng tsa lekwalo le.
- Tlhapi o mo lemosa fa go se sepe se se ka dirwang go kganela kgang e, mme o mmotsa gore bogadi bo tleile go amogelwa ke mang.
- Legae o kaya fa bogadi bo tlaa amogelwa ke bomalomaagwe Ntshidi mme Tlhapi a supa legodimo ka monwana ka a re bo tlaa tswela kwa Mmitolente e bile bo tlaa amogelwa ke rraagwe.
- Bogadi bo ntshiwa jaana gonne Ntshidi a tlotswe ke dikgwedi di le tharo.
- Legae o sulafaletswe ka nthla ya fa e le la nthla a utlwa ka dikgang tse.

Pono ya bone (Kwa gaabo Legae)

- Legae o goroga kwa gaabo go ya go itsise Malebye dikgang tsawelapalagwe tsawela ga Ntshidi.
- Kgang e ka e sa tsaya Legae sentle, o bolelela Malebye maikaelelo a go tsaya botshelo jwa gagwe ka kgoale.
- Malebye ga a dumelane le kakanyo e, mme o mo gakolola go latlhela mogopolo o kgakala.

Pono ya bothlano (Kwa ga Legae kwa Naledi)

- Legae o bua a le esi a thagisa mabaka a gore goreng a sa ye bogading.
- Malebye le Nkitseng ba mo etela ka lona letsatsi leo go mo neela tshegetso le go mo lemosa fa modiri e se moji.
- Letsatsi morago ga bogadi, Legae o tsegelela kwa tirong fela a se ke a boa.
- Tiragalo e, e tilhobaetsa Tlhapi, ka letsatsi le le latelang o tsegelela kwa ga Malebye go ya ga kopa Nkitseng thuso ya go mmatlisa mogatse.
- Ga ba mo fithele kwa bookelong le kwa kgolegeleng, ba mo fithele kwa mmotšharing.
- Labothlano wa pele ga letsatsi la phithlo, Ntshidi o boa kwa yunibesithing go ya gae kwa losong lwa ga rraagwe.
• O tshwarwa poo ke mosetsana wa Morwa kwa De Aar, a bo a mo tlhaba ka thipa a mmolaya.
• Mapodisa a Jabulani a gorosa molaetsa wa loso lwa ga Ntshidi kwa go Thapi.
• Thapi o eme tlhogo ka nthia ya tiragalo e, ka a santse a rulaganyetsa phitlho ya monna wa gagwe mme o simolola go ipotsa dipotso tsa gore matsapa di a tsaya kae.

3.9 DITIRWANA TSA TERAMAKHUTSHWE: MATSAPA DI A TSAYA KAE?

TIRWANA 1: POTSO YA TLHAMO

Bothale jwa phala bo tswa phalaneng. O ikaegile ka se, a o bona Ntshidi a ne a tswela batsadi ba gagwe mosola ka go ba naya dikgakololo tebang le matsapa a ba neng ba itemogela ona mo lelapeng la bona? Tshegetsa karabo ya gago o ikaegile ka ditiragalo tsa teramakhutshwe ya Matsapa di a tsaya kae? Boleele jwa tlhamo e nne mafoko a a ka nnang 400–450. [25]

TIRWANA 2: DIPOTSO TSE DIKHUTSHWANE

Buisa nopolo e e latelang mme o arabe dipotso.

<table>
<thead>
<tr>
<th>NKITSING:</th>
<th>Dikgang ke tsa batho ba le babedi. Wa boraro ke mosenyi. Dikgang tsa lona, ga re itse gore re ka di simolola fa kae. Rotthe re a ipotsa gore fa ausi a sala a tla dumelana le rraagwe ka bogadi ba ngwana e le wa gago, go ne go diregileng. Rotthe re dipaki tsa gore ngwana o mo godisitse, o mo tsentse sekolo. Tota re itumetse thata ka gore e bile Ntshidi o a fetsa monongwaga.</th>
</tr>
</thead>
<tbody>
<tr>
<td>LEGAE:</td>
<td>Ntho e e mo pelong ya me, e ntse e tutela motsotsa le motsotso. Ga ke itse gore ngwaga o, ke tlaa bona bokhutlo ba ona. Ga ke itse gore go tloga fano ke tsaya tsela efe? Fa ke lebelela fa pele ga me, ke bona mafarathatsha a ditsela. Tse dingwe le ibile bothhaba, borwa, bophirima, godimo le tlaase.</td>
</tr>
<tr>
<td>NKITSING:</td>
<td>Abuti, re thaloganya gore o mo maemong afe. Busa mowa, tlogela go ratharatha ka pelo.</td>
</tr>
<tr>
<td>LEGAE:</td>
<td>Ntshidi ke ntse ke mo tsaya jaaka ngwanake, ke mo rata. Ke ntse ke šaba bogobe ka moro wa phiri, madi ke a isa kwa dithutong tsa ga Ntshidi. Le gale go itse Ona.</td>
</tr>
<tr>
<td>MALEBYE:</td>
<td>Modiri ga se moji. Badiri ba le bantsi ba ke ba itseng, ga ba a roba se ba se jetseng. Bangwe ba bone maungo a bona a jewa ba a lebile. Bangwe ba a tlogetse a sala a senngwa ke batho fela, ba sa a utwele bothoko.</td>
</tr>
<tr>
<td>TLHAPI</td>
<td>Ke botshelo. Bo jalo. (Letsatsi morago ga bogadi, Legae a tsogeleta tirong fela a se ka a boa. Ka Labobedi mo mosong, Thapi a tsogeleta kwa go Nkitsing) (O a kokota) Kokokoko!</td>
</tr>
</tbody>
</table>
### NKITSING:
- Ke ura ya borobedi, o sa ntse a robotse!
- Ka gongwe le ena o ngaletse fa rrere a tsere bogadi!
- *(O a kokota)*
- *(O bula setswalo)*
- Ke wena!
- Ke ntse ke gateletswe ke boroko.
- Ke lora batho ba le bantsi ba le fa gae fa.
- Fa ke ntse ke lebeletse, ka bona banna ba kukile lekase.
- Ke thanya fa o kokota.
- Toro ya gago ga e monate, e nkutlwisa bothhoko.
- Goreng e go utlwisa bothhoko?
- Ga ke a bona boroko maabane.

### TLHAPI:
- Nkitsing
- TLHAPI

<table>
<thead>
<tr>
<th>DIPOTSO TSA TIRWANA YA 2</th>
<th></th>
</tr>
</thead>
<tbody>
<tr>
<td>1. Ntshidi le Legae ba amana jang?</td>
<td>(1)</td>
</tr>
<tr>
<td>2. Faa dilo di le THARO tse Nkitsing a neng a gaisa mogolowe TLHAPI ka tsona.</td>
<td>(3)</td>
</tr>
<tr>
<td>3. Segalo se se dirisitsweng ke Malebye mo mmuisanong wa gagwe se senola semelo sefe sa gagwe?</td>
<td>(2)</td>
</tr>
<tr>
<td>4. Maikutlo a ga Ntshidi e nnile afe morago ga go utwela loso Iwa ga rraagwe?</td>
<td>(2)</td>
</tr>
<tr>
<td>5. Semelo sa ga TLHAPI se na le seabe sefe mo tsweletsong ya morero wa teramakhutshwe e?</td>
<td>(2)</td>
</tr>
<tr>
<td>6. A tshwetso e e tserweng ke Legae, ke tharabololo e e maleba? Tshegetsa karabo ya gago ya ke lebaka.</td>
<td>(2)</td>
</tr>
<tr>
<td>7. Loso Iwa ga Ntshidi lo tsweletsa jang morero wa teramakhutshwe e?</td>
<td>(2)</td>
</tr>
<tr>
<td>8. A o dumela gore Ntshidi ga a ka a neela batsadi ba gagwe dikgakololo? Tshegetsa karabo ya gago ya ke lebaka.</td>
<td>(2)</td>
</tr>
<tr>
<td>9. A go siame gore bogadi jwa ngwana o se na go mo godisa, bo tswele kwa gaabo mmaagwe? Tshegetsa karabo ya gago ya ke lebaka.</td>
<td>(2)</td>
</tr>
<tr>
<td>10. Go ya ka wena, a go siame go gapa kgomo le namane? Tshegetsa karabo ya gago go ya ka ditiragalo tsarera.</td>
<td>(2)</td>
</tr>
<tr>
<td>11. Fa o bona, a go siame gore TLHAPI a tlhokafalelw e ke monna le ngwana ka nako le le nngwe? Tshegetsa karabo ya gago ya ke lebaka.</td>
<td>(2)</td>
</tr>
<tr>
<td>12. O ithutile eng ka modiragatsi TLHAPI?</td>
<td>(2)</td>
</tr>
</tbody>
</table>

|   | [25] |
4. TSHEKATSHEKO YA TERAMAKHUTSHWE: BATHO GA BA TSHWANE

4.1 MAITSHELEGO

Terama e, e diragala mo pakeng ya sešwa le segompienyo mo motsesetoropong wa Diepkloof Extension ka go na le mebila, dijanaga, lekwalodikgang, namoneite le digalase. Diritragalo tsa terama e e fa isong di ikadile segolo mo mafelong a a latelang: Kwa ga Moremi mo Diepkloof Extension, kwa ga Nobutlhe mo Diepkloof Extension, kwa ga mooki Matlhare mo Diepkloof Extension, kwa ga MmaMoremi mo Diepkloof Extension, kwa Komatipoort le kwa gaabo Nomalanga kwa Swatsing.

Diepkloof Extension (Kwa ga Moremi)

- Ke lefelo le Moremi le Nnaniki ba ileng ba ya go kopa Nobutlhe go ba batlela motho yo o ka dulang le MmaMoremi.
- Moremi o ba solofetsa gore motho yo a mo itseng a ka ba thusa, ke ngwana wa ga rakgadiagwe yo o nnang kwa Swatsing.
- O ba solofetsa gore o ya Komatipoort morago ga malatsi a le mabedi, ka gongwe a ka mo fithela gona, mme fa a sa mo fithele, o tlaa tiola molelwane go mo latela kwa Swatsing, ka go se kgakala.

Diepkloof Extension (Kwa ga Nobutlhe)

- Ke lefelo le Moremi le Nnaniki ba ileng ba ya go kopa Nobutlhe go ba batlela motho yo o ka dulang le MmaMoremi.
- Nobutlhe o ba solofetsa gore motho yo a mo itseng a ka ba thusa, ke ngwana wa ga rakgadiagwe yo o nnang kwa Swatsing.
- O ba solofetsa gore o ya Komatipoort morago ga malatsi a le mabedi, ka gongwe a ka mo fithela gona, mme fa a sa mo fithele, o tlaa tiola molelwane go mo latela kwa Swatsing, ka go se kgakala.

Diepkloof Extension (Kwa ga MmaMoremi)

- Ke lefelo le Nomalanga a supileng fa a sa tshwane le ngwana wa mmangwanaabona Moremi ka go ba direla sentle le go phutha mmaabona, go supa gore ke boammaruri gore batho ga ba tshwane.
- Ke gona fa Moremi le Nnaniki ba lekileng go kopa Nomalanga go ya gae ka malatsi a boikhuto a dikolo a mariga, mme ena a ganana le kakanyo eo ya bona go supa fa a sa tshwane le batho ba bangwe.
Diepkloof Extension (Kwa ga mooki Matlhare)

- Ke kwa Nomalanga a ganneng go thusa mooki Matlhare gona go supa fa batho ba sa tshwane.

Komatipoort

- Ke kwa gaabo Nobutlhe, kwa Nobutlhe a kaetseng Moremi le Nnaniki gore fa a sa fithele Nomalanga gona, o tlaa tiola molelwane go mo latela kwa gaabo kwa Swatsing.

Swatsing (Kwa gaabo Nomalanga)

- Ke kwa gaabo Nomalanga, kwa a neng a ya malatsing a boihhutso gona mo kgwedeng ya Sedimonthole, mme ya re fa a boela kwa Diepkloof Extention ka kgwedi ya Firikgong, a fitlhela MmaMoremi a iketse badimong.
- Lefelokgang le Nomalanga a boetseng kwa go lona morago ga loso loa ga MmaMoremi, morago ga gana tiro ya kwa ga mooki Matlhare.

4.2 KAROLOGANYETSO YA BADIRAGATSI

Badiragatsibagolo (Bagapatiro)

Nomalanga, Moremi le Nnaniki

- Badiragatsi ba bararo ba, ke bagapatiro gonne ditiragalo tsa teramakhutshwe ya Batho ga ba tshwane di simolola le go felela ka bona.

Badiragatsi ba batlaleletsi

Nobutlhe

- Ke motlaleletsi ka gore o thagelela fela nakonyana ka go batiela MmaMoremi mothusi go bo go fedile ka seabe sa gagwe mo teramakhutshweng e.

MmaMoremi

- Ke motlaleletsi ka gore o thagelela fela nakonyana kwa tshimologong, morago ga loso la mokgalajwe wa gagwe ka go thola bothata jwa go re o tshwanetse a batlivelwe mothusi. Ke ena sebakwa sa gore Moremi le Nnaniki ba kope Nobutlhe go mmatlela Nomalanga gore a tle go mo thokomela.

Matlhare

- Ke motlaleletsi ka gore o thagelela fela nako e khutshwane fa MmaMoremi a thokafetsie, mme Moremi a mo sololeditsie go buisana le Nomalanga gore a se boele gae, a ye go mo direla. Seabe sa gagwe se khutla fa Nomalanga a gana go mo direla ka ntlha ya tse ba tholang ba di buisanelo le badiri ba bangwe ba malapa ka tshwaro e e makgwakgwa ya baoki.
### 4.3 ITSE BADIRAGATSI BA GAGO!

<table>
<thead>
<tr>
<th>Modiragatsi</th>
<th>Semelo</th>
<th>Tshegetso</th>
</tr>
</thead>
<tbody>
<tr>
<td><strong>Moremi</strong></td>
<td>• O na le tshegetso mo lapeng la gagwe.</td>
<td></td>
</tr>
<tr>
<td></td>
<td>• O na le boitshwaro</td>
<td></td>
</tr>
<tr>
<td></td>
<td>• O lerato/ o botho</td>
<td></td>
</tr>
<tr>
<td></td>
<td>• O thusa Nnaniki go anega diaparo a sa kgathale gore banna ba bangwe ba tlaa re o apestswe jase.</td>
<td></td>
</tr>
<tr>
<td></td>
<td>• Ga a ka a tswa pelo le go tshwenyana le Nomalanga jaaka Nobutlhe a ne a kaile mo go Nnaniki.</td>
<td></td>
</tr>
<tr>
<td></td>
<td>• O buisana le Nnaniki gore ba tshwanetse go batlela MmaMoremi mothusi.</td>
<td></td>
</tr>
<tr>
<td></td>
<td>• Ke ena a amogelang Nomalanga ka mafoko a a monale gore a phuthologe, o mo gae.</td>
<td></td>
</tr>
<tr>
<td><strong>Nnaniki</strong></td>
<td>• O na le tshegetso</td>
<td></td>
</tr>
<tr>
<td></td>
<td>• O ema Moremi nokeng mo mererong ya lelapa la bona.</td>
<td></td>
</tr>
<tr>
<td><strong>Nomalanga</strong></td>
<td>• Ke senatla</td>
<td></td>
</tr>
<tr>
<td></td>
<td>• O a tshepagala</td>
<td></td>
</tr>
<tr>
<td></td>
<td>• O boutlwelobotlhoko</td>
<td></td>
</tr>
<tr>
<td></td>
<td>• O bua puo-phaa/ o na le boammaaruri</td>
<td></td>
</tr>
<tr>
<td></td>
<td>• O direktse MmaMoremi ka botswerere go fithela a tlongafala.</td>
<td></td>
</tr>
<tr>
<td></td>
<td>• Moremi o ne a bolelela Nnaniki gore Nomalanga o phuthile MmaMoremi go gaisa ngwana wa mmangwanaabona.</td>
<td></td>
</tr>
<tr>
<td></td>
<td>• MmaMoremi o boleletse Moremi le Nnaniki gore o iponetse tsala ya nnete/</td>
<td></td>
</tr>
<tr>
<td></td>
<td>• O ne a rothisa keledi fa a laelana le Moremi le Nnaniki.</td>
<td></td>
</tr>
<tr>
<td></td>
<td>• Ga a ka a fitlha maikutlo a gagwe ka maithsholo a a utwileng ka tshwaro ya baoki mo badiring ba malapa.</td>
<td></td>
</tr>
<tr>
<td><strong>Nobutlhe</strong></td>
<td>• O botshepegi/ O botho</td>
<td></td>
</tr>
<tr>
<td></td>
<td>• O na le tirisanommogo.</td>
<td></td>
</tr>
<tr>
<td></td>
<td>• O lerato/ O kgona go thusa.</td>
<td></td>
</tr>
<tr>
<td></td>
<td>• O kgonne go batlela Moremi le Nnaniki motho yo o siameng jaaka Nomalanga.</td>
<td></td>
</tr>
<tr>
<td></td>
<td>• MmaMoremi o kaya gore le fa ba sa itse kwa gaabo Nomalanga, fela botho ba ga gagwe ke ba ngwana a godiseditswe ka fa tlase ga ntlo e e nang le molao.</td>
<td></td>
</tr>
<tr>
<td></td>
<td>• O buisana le Moremi le Nnaniki ka botswapelo go utlwa gore ba batla motho wa mofuta mang</td>
<td></td>
</tr>
<tr>
<td></td>
<td>• O tsaya tshwetso ya gore o tlwa duelela motho yo boMoremi ba mmatlang, mme bona ba tlwa mo duele morago.</td>
<td></td>
</tr>
<tr>
<td><strong>Matlhare</strong></td>
<td>• O kutlwisiso</td>
<td></td>
</tr>
<tr>
<td></td>
<td>• Ga a ngangisane le Nomalanga fa a re ga a kitla a kgona go mo direla jaaka e le mocki.</td>
<td></td>
</tr>
</tbody>
</table>
4.4 MORERO

Ditiragalo tsa teramakhutshwe, Batho ga ba tshwane, di ikaegile ka ditiro le mmuisano magareng ga badiragatsibagolo Nomalanga, Moremi le Nnaniki go senola bothata bo bogolo ba gore mo botshelong, batho ga ba tshwane gothelele, e bile bosigo ga bo kitla bo sa ba tshwana, e se dipeba tsa mosima tse di ka go tsietsang ka go tshwana ga tsona, o ithaya gore o lelekle e le nngwe ka nte ga e nngwe, di go dira serametla ka go relosana.

Batho ga ba tshwane magareng ga bathapi le badiri kgotsa bathapiwa.

4.5 MOLAETSA

Dikao tsa melaetsa e o ithutileng yona go tswa mo badiragatsing ba ba farloganeng mo teramakhutshweng ya Batho ga ba tshwane ke e e latelang:

- Batho ga ba tshwane.
- Motho ga a itsiwe e se naga.

4.6 MEFUTA YA KGOTLHANG

Kgotlhang magareng ga badiragatsi

- Nnaniki le Moremi ba nna le kgotlhag le ngwana wa mmangwanaabona ka a ne a phuaganya MmaMoremi.
- Nomalanga o gana tiro ya kwa ga mooki Matlhare ka ntlha ya tshwaro e e makgwakgwa ya baoki mo badiring.

Kgotlhag fa gare ga modiragatsi le tikologo

- Moremi le Nnaniki ga ba tshepe mmelegi o o tswang kgakala

4.7 DIKGATO TSA KGOTLHANG

Kgotlhag mo teremakhutshweng e, ga e bope ge sentle ka ntlha ya fa morero wa yona o sa bope kgotlhag kgotsa bothata fa gare ga badiragatsi. Se, se tlageelelang ke dipolotswana tse di farloganeng tsa go sa dumelane ka sengwe fa gare ga badiragatsi, se se ka keng sa kaiwa jaaka kgotlhag, moo re bonang badiragatsi ba emelane kgatlanong.
4.8 NTE RE GO ALELE PHATE KA GO SOBOKANYA DITIRAGALO TSA TERAMAKHUTSHWE E, PONO KA PONO, GO GO BOPELA SETSHWANTSHO.

Pono ya Ntlha (Kwa ga Moremi)

- Ditiragalo di thaologa/simolola kwa ga Moremi, mo motsesetoropong wa Diepkloof Extension.
- Moremi o thusana le mosadi wa gagwe Nnaniki go anega diaparo go supa fa a sa tshwane le banna ba bangwe.
- Moremi o bolelela Nnaniki gore MmaMoremi ga a sa tlhole a kgona ka ntlha ya go utlwalelwasha le loso la mokgalajwe wa gagwe.
- Gape ba utlwislekwa bothoko ke ngwana wa mmangwanaabona yo o neng a phuaganya MmaMoremi ka go mo tlogela a le esi.
- Moremi le Nnaniki ba dumelana gore ba tshwanetse go batla motho yo o tlaa tlhokomelang MmaMoremi.
- Nnaniki o na le ketsaetsego ya gore motho o o tswang kgakala a ka ba utswetsa, a ba ela ka dinakana metsing.
- Moremi o mo kaela gore a thaloganye gore batho ga ba tshwane, motho yoo a ka ba gakgamatsa ka go ba direla ka boineelo.
- Boobabedi ba tswana ka gangwe go ya kwa go Nobutlhe ka ba itse e le ena fela yoo ka ba thusang ka motho yo ba mmatlang.

Pono ya bobedi (Kwa ga Nobutlhe)

- Ditiragalo di tswelela kwa ga Nobutlhe, gona mo Diepkloof Extension, fa Moremi le Nnaniki ba goroga kwa teng.
- Moremi le Nnaniki ba thalogetsa Nobutlhe gore ba batlela MmaMoremi motho yo o ka mo tlhokomelang.
- Ba batla motho yo o maikarabelo, mme ba eletsa e ka nna motho yo o tswang kgakajana.
- Nobutlhe o ba thalosetsa gore motho yo a mo itseng ke ngwana wa ga rakgadiagwe yo o nnang kwa Swatsing.
- O ba solofetsa go tla le ena ka a tle go ya Komatipoort morago ga malatsi a le mabedi.
- Nobutlhe o ba solofetsa go duela ditshenyegelo tsothi tsa go tla le ngwana wa ga rakgadiaagwe, mme bona ba tlaa mo duela fa a goroga ka ena.
Tlotlofoko ya pono bobedi
- Go pumpunyega - go tswa ka bontsi.
- Bomaratahelele – batho ba ba ratang dilo
- Metlapa – ditshwakga
- Dinamelwa – dipalangwa
- Mogodungwana – sengwe se se nowang/tee.
- Go tswa pelo – go qala/go eletsa

Pono ya boraro (Kwa ga Moremi)
- Ka tsholofetso e sa tlhabise ditlhong, ditiragalo di tswelela kwa ga Moremi, mo Diepkoof Extension, ka kgoro go ya ga Nobutlhe le Nomalanga.
- Moremi o amogela Nomalanga le go mo kaela gore a nne kwa gae, a phuthologe, o amogetswe.
- Ba dumelana ka gangwe fela gore ba ise Nomalanga kwa ga MmaMoremi.
- MmaMoremi o itumelela gore boMoremi ba mo tliseditse tsala e e tlaa nnang e mo ntsha bodutu.
- Morago ga dikgwedi di le tharo Moremi le Nnaniki ba lemoga fa Nomalanga a phuthile MmaMoremi go feta ngwana wa mmangwanaabona.
- Ka dikolo di tloga di tswalwa, Moremi le Nnaniki ba bona go le bothokwa go re ba ye kwa go Nomalanga go mo kopa gore a ye malatsing a boikhotso.
- Fa ba goroga gona, ba itumelela go bona lerato le kagiso tse di renang magareng ga Nomalanga le mmaabona.
- Ba kopa Nomalanga go ya malatsing a boikhotso fa dikolo di tswalwa, mme ena o ganana le thagiso ya bona.
- Nomalanga o ba itsise gore o ikutla a le fa gae, ka jalo o tlaa ya malatsing a boikhotso ka kgwedi ya Sedimonthole.
- Moremi le Nnaniki ba gakgamala mo go maswe gore Nomalanga ke motho wa mofuta mang, mme ba dumelana fa a sa tshwane le batho ba bangwe.

Tlotlofoko ya pono ya boraro
- Go wela makgwafo – go phuthologa/ritibala/go kgotsofala
- Go tlala seatla – go lekana/go le gontsi
- Go ntseela mafoko – go bua jaaka nna
- Go kopa tselo – go kopa tetla ya go tsamaya.
Pono ya bone (Kwa ga Moremi)

- Pono ya bone e simolola kwa ga Moremi, gona mo motsesetoropong wa *Diepkloof Extension* fa Nomalanga bowa ka kgwediyi ya Firikgong go tswa malatsing a boikhutso.
- O fithela MmaMoremi a bilebitswe gae legodimong.
- Moremi o bolelela Nomalanga gore ka MmaMoremi a sa thole a le teng, tiro ya gagwe e fedile. O mmolelela gore o ne a mmatlela tiro gona mo mmileng wa bona mo *Diepkloof Extension*.
- Nomalanga o botsa Moremi gore kwa a batletsweng tiro gona, motho wa teng o dira eng.
- Fa a utlwa gore ke mooki, Nomalanga o ba bolelela gore ga a na go tsaya tiro eo ka ntlha ya tshwaro e e makgwagwya ya baoki mo badiring ba malapa.
- Moremi o bona go le botoka gore ba ye le Nomalanga kwa ga Matlhare go re a ye go ikutlwela ka tsa gagwe tse pedi.
- Fa ba goroga Nomalanga o thalosetsa mooki Matlhare gore a ka se kgone go mo direla ka ntlha ya tshwaro e e makgwagwya ya baoki mo badiring ba malapa.
- Mooki Matlhare o leka go thalosetsa Nomalanga gore ena ga a tshwane le ba bangwe, mme Nomalanga o ganana le thagiso ya gagwe.
- Kwa bofelong mooki Matlhare o a ineela gore se mo ganang se mo rola morwalo, o a ithoboga.
- Moremi, Nnaniki le Nomalanga ba kopa tselo mo go mooki Matlhare le go boela kwa ga Moremi.

**Tlontlofoke ya pono ya bone**

1. Go biletswa gae – go thokafala/go swa
2. Go le maruru – go le tsididi
3. Lebati – setswalo/kgoro
4. Go tšhotla kgang – go sekaseka kgang
5. Go tlhapa diatla – go ithoboga
6. Go tshwara phage ka mangana – go tshwara bothata
7. Go ya ka magoro – go kgaogana
8. Tselatshweu – tsamaya sentle
9. Go rothisa keledi – go lela

Pono ya botlhano (Kwa ga Moremi)

- Bokhutlo ba teramakhutshwe ya ‘Batho ga ba tshwane’ bo diragala kwa ga Moremi, mo *Diepkloof Extension*, go le Lamathatso fa Nomalanga a laela go boela Swatsing.
- Nomalanga o lebogela Moremi le Nnaniki go nna le bona dingwaga di le pedi tse a ba diretseng.
- Nnaniki o lebogela Nomalanga go bo a tshepagetse mo go ba direleng, mme ena a re a se ka a ela rui.
- Thekisi ya boNomalanga e a tloga go leba lefatsheng la Maswati, mme teramakhutshwe e a khutla.
4.9 DITIRWANA TSA TERAMAKHUTSHWE: BATHO GA BA TSHWANE

TIRWANA 3: POTSO YA TLHAMO

A ditiragalo tsa teramakhutshwe, "Batho ga ba tshwane", di tsamaisana le setlhogo?
Kwala thamo e mo go yona o tlaqhaisang letlhakore la gago. Boleele jwa thamo e nne mafoko a a ka nnang 400–450.

TIRWANA 4: DIPOTSO TSE DIKHUTSHWANE

Buisa nopolo e e latelang, mme o arabe dipotso.

| MMUI A: | (O a tshegatshega.)
| MMUI A: | (Moremi o a mo lebelela.)
| MMUI B: | Ga se gantsi o fitlhela monna a thusa mosadi
| MMUI B: | Thesano e nna teng fa go le kutlwango mo lapeng.
| MMUI A: | Ditsala tsa gago fa di ka tsena fa jaanong, o tlaa bo o ntlogela o ba tshaba.
| MMUI B: | (O a ikgakatsa) Nna! Ke ba tshaba?
| MMUI A: | Wena! O tshaba gore ba re o apere jase
| MMUI B: | (Ba a tshega.)
| MMUI A: | Mosadimogolo ga a thole a kgona. O akgilwe ke loso lwa mokgalajwana wa gagwe.
| MMUI A: | Mm! Ke a go utlwa. A o na le leano?
| MMUI B: | Ee! Re tshwanetse go batla motho yo o tlaa nnang le ena. Ngwana wa ga mmangwane o nkutwisitse bothokoe gore a tlogele mme a le esi.

TIRWANA 5: DIPOTSO TSE DIKHUTSHWANE

<table>
<thead>
<tr>
<th>DIPOTSO TSA TIRWANA YA 4</th>
</tr>
</thead>
<tbody>
<tr>
<td>1  Naya leina la mmui A.</td>
</tr>
<tr>
<td>2  Ngwana wa ga mmangwanaagwe Moremi o na le seabe sefe mo tsweletsong ya ditiragalo tsa teramakhutshwe e?</td>
</tr>
<tr>
<td>3  A kgang ya ga Nnanki e e reng Moremi o na le boitshwaro, e ne ya nna nnete?</td>
</tr>
<tr>
<td>4  Mmuisano wa ga Moremi le Nnanki o senola semelo sefe sa ga Moremi? Tshegetsa karabo ka lebaka.</td>
</tr>
<tr>
<td>5  Go gana tiro ga ga Nomalanga go na le seabe sefe mo tsewetsong ya morero wa teramakhutshwe e?</td>
</tr>
<tr>
<td>6  Go nna ga bokgilotsadie Moremi kwa malapeng a bona go tsweletsang jang poloto ya teramakhutshwe e?</td>
</tr>
<tr>
<td>7  Fa Nobuthle a ka bo a ganne go batla boMoremi motho kwa ga gaabo, go ka bo go diragetse eng ka ditiragalo tsa teramakhutshwe e?</td>
</tr>
<tr>
<td>8  E kete maitshelo a ga Moremi mo lelapeng la gagwe le la gaabo ga se a a tlaelegileng mo matshelong a rona. Dumalana kgotsa ganetsana le nthla e ka dintla di le PEDI.</td>
</tr>
<tr>
<td>9  A se Nomalanga a se buang ka baoki ke nnete? Tshegetsa karabo ka lebaka.</td>
</tr>
<tr>
<td>10 Fa o ne o le Nomalanga, o se na tiro, mme o e batletswe jaaka Moremi a dirile, a o ne o ka e gana?</td>
</tr>
</tbody>
</table>
Go ya ka wena, fa o ne o le Nnaniki, a o ne o ka letla Moremi go batlela mosadimogolo mothusi a ntse a na le bokgaitsadie? (2)

5 TSHEKATSHEKO YA TERAMAKHUTSHWE YA SEKOROPOLAPA

5.1 MAITSHETLEGO

Paka ya teramakhutshwe e, ke ya seśwa kgotsa segompieno gonne go na le dikolo, bookelo, baoki, sejanaga se se segang se sengwe tsebe, dikholetšhe, thekisi, leoto le tsentswe samente, barutabana le dibuka. Ditiragalo di simolola mo sekolong sengwe se se fitlhelwang mo motseng mongwe o o mo Mahikeng, mme go bontsha sentle fa e le motse o go sa duelweng rente mo go ona ka re utlwa se go tswa mo molomong wa ga Mafeny. Dipuo tsa badiragatsi di bontsha sentle gore ke nako ya gompieno ka Dikobe o dumedisa Nkefi ka gore ‘Yes ngwana’.

Mmabatho

- Go duelwa rente ka re utlwa se go tswa mo go Mafeny.
- Motse o sekolo se fitlhelwang mo go ona mo Mahikeng – le fa moterama a sa re tswela mo le seding, ke motseselegenca ka go sa duelwe rente.

5.2 KAROLOGANYETSO YA BADIRAGATS

Mogapatiro – Nkefi le Mafeny,

Ditiragalo tsothi di ba sala morago ka e bile e le bona ba utolotseng leina la ‘sekoropolapa’ ka Nkefi a ne a sa bale go ratana le Mafeny ka a ne a ratana le Ntope yo e leeng monna wa mosadi yo mongwe.

Batlaleletsi

Mothothileletsi - Dikobe gonne ke ena yo Mafeny a neng a mo kopile go nna mmaditsela wa gagwe kwa go Nkefi ka a ne a itsa gore ba tsene sekolo mmogo kwa kholetšheng.

Batlaleletsi –Motlagomang le Matlhodi

- Motlagomang ke mosadi wa ga Ntope, moterama o mo umakile fela.
- Matlhodi ke mosadi wa ga Mafeny, mme ke ena yo o a mo tsentseng dikgang tse a di utwileng di buiwa mo thekesing, tse di neng di gatisa setlhogo sa teramakhutshwe ya rona e leng ‘Sekoropolapa’.

5.3 ITSE BADIRAGATS BA GAGO!

<table>
<thead>
<tr>
<th>SEKOROPOLAPA</th>
</tr>
</thead>
<tbody>
<tr>
<td><strong>Badiragatsi</strong></td>
</tr>
</tbody>
</table>
| Mafeny | • O na le lerato la nnete.  
  • O bofitlha. | • O ipala mabala a kgaka mo go Nkefi mme a kopa Dikobe go mmuelela mo go ona le mororo a ne a mmitsa ’Sekoropolapa’.  
  • O rata mosadi wa gagwe e leng Matlhodi kwa ntle ga go mo tlhakanya le basadi ba bangwe. |
| • Ke tsala tota. | • Fa mosadi wa gagwe a mmolelela ka moo go neng go buiwa ka teng mo thekesing ka mosadi yo o bitsang batho sekoropolapa, ga a tswele mosadi wa gagwe mo pontsheng ka a itse gore go ne go tewa ena tota.  
• O ya go lekola Ntope fa a le kwa bookelong. |
|---|---|
| **Nkefi** | **Ke letagwa.**  
• O lenyatso.  
• Ga a na maikarabelo.  
• O tlhogo e thata/ga a reetse.  
• Ke letagwa.  
• O nyatsa Mafenya ka go mmita sekoropolapa.  
• O ratana le monna yo o nyetseng.  
• Ga a reetse Dikobe fa a mo gakolola go tlogela Ntope ka a nyetse mme a itseele Mafenya yo o sa nyalang.  
• O nwa bojalwa go feta selekano morago ga loso lwa ga Ntope. |
| **Ntope** | **Ga a na lerato la nneta.**  
• Ga a na maikarabelo.  
• O ratana le Nkefi ntswe a nyetse Motlagomang.  
• O nna le Nkefi e bile o na le dinotlolo tsa kwa ga gagwe le mororo a nyetse. |
| **Dikobe** | **Ke motho wa mafoko a gagwe/o na le nneta.**  
• O na le dikgakololo/ga a na tomeletso  
• Ke motho wa mafoko a gagwe/o na le nneta.  
• O fetisetsa mafoko a lerato a ga Mafenya kwa go Nkefi jaaka a ne a solofeditse.  
• O leka go gakolola Nkefi gore a se itiye ka Ntope ka a nyetse mme a ratane le Mafenya ka a se na mosadi. |

**5.4 MORERO**

Boikgogomoso le lenyatso ka ntlha ya fa Mafenya a ne a rata Nkefi mme ena a mo nyatsa ka a re ke 'sekoropolapa'.

**5.5 MELAETSÁ**

- Moipolai ga a lelelwe (Nkefi).
- Se sa feleng se a be se tlhola. (Nkefi).
- Bojang jwa pitse ke jo bo mo mpeng, jo bo mo ganong e swa e bo hupile (Nkefi).
- Botshelo ke leotwana (Nkefi).
- Se nkganang se nthola morwal (Mafenya).
- Moleta ngwedi ke molela lefidi (Nkefi).
5.6 MEFUTA YA KGOTLHANG

Kgotlhang ya maikutlo:
- Nkefi o amilwe ke loso lwa ga Ntope.
- Mo khutsafalong e a neng a le mo go yona, o ipolelela gore ka Ntope a ile boyabatho, ga go ope yo o tlaa mo gomotsang. Mafenya o nyetse, ga go monna yo a ka tlholang a mo atamela.
- O setse a le esi mo botsheleng.
- Mafenya o kgarakgatshwa maikutlo ke lerato. O rata Nkefi mme ena ga a mo rate. O kopa tsereganyo ya ga Dikobe.

Kgotlhang fa gare ga badiragatsi
- Mafenya o ipadile mebala ya kgaka makgetlho a le mararo mo go Nkefi mme a itaya sefololetse. O kopa tsereganyo ya ga Dikobe. Dikobe ga a fenye e bile Nkefi o feleletsa a mmolelela fa Mafenya a sa mo tshwanele, ka e le sekoropolapa.

5.7 POLOTO

Tshimologo
- Mafenya o itsise Dikobe bothata jwa gagwe jwa go ganwa ke Nkefi.
- O kopa Dikobe go mmuelela mo go Nkefi.

Tharaano/Tlhatlhakano/thatafalo
- Dikobe o bua le Nkefi ka kgang ya ga Mafenya, a mo lemosa ka moo a ratwang ka teng.

Setlhoa
- Nkefi ga a dumelane le Dikobe.
- O tlhalosa fa Mafenya e se wa maemo a gagwe e bile ke sekoropolapa.
- O ratana le Ntope.

Tharabololo
- Mafenya o a ithoboga go rata Nkefi.
- O a nyala.
- Ntope o amogelwa kwa bookelong morago ga go bona kotsi ya sejanaga.

Bokhutlo
- Ntope o a tlhokafala.
- Nkefi o iphitlhela a le esi mo botsheleng, ga a na mogomotsi, ga a na moratiwa e bile o bona fa go se monna ope yo a ka tlholang a mo kgatlhengela.
5.8.1 NTE RE GO ALELE PHATE KA GO SOBOKANYA DITIRAGALO TSA TERAMAKHUTSHWE E, PONO KA PONO, GO GO BOPELA SETSHWANTSHO.

Pono ya nthla (Mo sekolong sengwe sa Mahikeng)

- Mafenya o kwa sekolong sengwe sa Mahikeng mme o fiswa ke lerato la lekgarebe lengwe le le rutang le ena e leng Nkefi.
- O kopa Dikobe go mmuelela mo go ena gonne ba tsene kholetšhe e le nngwe fa ba ithutela borutabana. Lebakalegolo la go dira kopo e, e le fa Mafenya a lekile makgethi a le mararo go ipuelela mo go Nkefi mme maiteko a, a foloditse ka gonne lekgarebe le mmitsa sekoropolapa.
- Dikobe o mmuelela gore Nkefi o ratana le Ntope le mororo a na le lelapa, fela o mo solofetsa go filthisa mafoko a, a lerato.
- Mafenya a re fa a ka dira jalo, o tlaa nona jaaka kolobe go bontsha fa a itumetse.

Pono ya bobedi (Mo phaposing ya barutabana le mo ntlong ya bojalwa)

- Dikobe o fithela Nkefi mo phaposing ya barutabana a ntse a tshwaya dibuka.
- O simolola go dira metlae le ena ka go bua tse ba neng ba di dira kwa kholetšheng ya Heberone fa ba ithutela borutabana.
- O bolelela Nkefi ka se Mafenya a mo romileng sona, e leng gore o a mo rata.
- Nkefi o šakgatswa ke se a se utlwang mme o mmolelela gore ena o ratana le Ntope.
- Dikobe o mo lemosa gore o itiya ka Ntope ka a nyetse.
- O leka go mmontsha gore letsatsi lengwe o tlaa gopola Mafenya a setse a ile.
- Nkefi o a šakgala ka a re o mo ferosa dibete ka go mo rerela.
- Dikobe o kopana le Mafenya mo ntlong ya bojalwa mme o mmolelela ka se a neng a mo kopile go se dira.
- O mmolelela ka moo Nkefi a mo arabileng ka teng mme o gakolola Mafenya gore a ipatele yo mongwe ka a paletswe.
- Mafenya o amogela se Ntope a se mmolelela ka diatla tsoopedi.

Pono ya Boraro (Kwa ga Mafenya)

- Morago ga dingwaga di le tharo Mafenya o dutse le mogatse e leng Matlhodi kwa ga gagwe.
- Matlhodi o tshitshinya gore ba fudugele kwa Mmabatho mme o mmontsha ditlamorago tsa go ya koo.
- A re ba ya go tshwanelwa ke go duela rente e ba ntseng ba sa e duele mo motseng wa Mahikeng.
- Matlhodi o bolelela Mafenya ka se a se utwileng fa a ne a le mo thekesing.
- A re basadi bangwe ba ne ba re Nkefi o gana banna a re ke dikoropolapa, le gore Ntope o na le dinotlolo tsa phaposi ya ga Nkefi.
- Mafenya o mo araba ka gore o itse Ntope a se ka mokgwa o a thaloshiwang ka ona.

Tlotlofoko

- Go šakgala- go tenega
- Go ferosa dibete – go tena.
• Dikobe o tla go ba bolelela ka kotsi ya sejanaga e e bonweng ke Ntope le gore o kwa sepetlele sa Tlhabane.
• Mafenya le Dikobe ba tswe mmogo go ya go mo lekola kwa sepetelele.
• Ba filhela Nkefi kwa bookelong.
• Mo letsatsing le le latelang ba amogela mogala o o begang gore Ntope o tlhokafetse.
• Nkefi o utlwile botlhoko thata e bile o a idibala.
• Ntope o a fitlwha mme Dikobe o thagisa fa sekolo se lathegetswe ka ntlha ya fa e ne e le ena yo a neng a dira tiro yothie ya sekolo ka mogokgo a sa itse sepe.
• Kwa ga Nkefi – o a bokolela ka a se na mogomotsi. O gopola Mafenya, fela o phepheulela mogopolo o kwa thoko ka a gakologelwa gore o nyetse.
• Mafenya le Dikobe ba tsere dikgang ka ga Nkefi ka ba makaletse diphetogo tse ba di bonang mo go ena ka ntlha ya go itira pitsa ya bojalwa.
• Ditshobotsi di fetogile ka ntlha ya go nwa bojalwa phetelela, mme se, se dira gore Dikobe le Mafeny a ba mo je ditshego.

**Tlotlofoko ya pono ya boraro**
- Go lekola – Go tlhola molwetse
- Bokolela – go lelela kwa godimo
- Phepheulela kwa thoko – kgapela kwa thoko/o a sutisa.
- Itira pitsa ya bojalwa – go nwa bojalwa go feta selekano.

5.9 DITIRWANA TSA TERAMAKHUTSHWE: SEKOROPOLAPA

TIRWANA 5: POTSO YA TLHAMO

Go palelwa ga Nkefi go tsaya ditshwetso tse di maleba ka ga botshelo, go nnile le dитlamorago tse di sa jeseng diwelang mo botshelong jwa gagwe. Tshegtsa thagiso e, o ikaegile ka ditiragalo tsa teramakhutswe ya Sekoropolapa. Boleele jwa tlhamo e nne mafoko a a ka nnang 400–450.

<table>
<thead>
<tr>
<th>TIRWANA 6: DIPOTSO TSE DIKHUTSHWANE</th>
</tr>
</thead>
</table>

Buisa nopolo e e latelang, mme o arabe dipotso.

**NPOLO**

*(Mo phaposing ya barutabana, Nkefi o ntse a tshwaya dibuka, go goroga Dikobe fa go ena.)*

| MMUI A: | (O a tshegatshega) ‘Yes ngwana!’ |
| MMUI B: | (O tsosa tlhogo, o a nyenya). O kile wa bona kae ngwana yo o kana ka nna? (Ba a tshega) |
| MMUI A: | Ke gopola malatsi a maloba. Malatsi a maloba kwa Heberone. |
| MMUI B: | O ne o ntshaba. (O a tshega) |
| MMUI A: | Ee, ke ne ke go tshaba, fela o teng yo o sa go tshabeng. O teng yo o sa boneng boroko ka ntlha ya gago. Yo ‘rato lwa gagwe le phophomang lefulo jaaka bojalwa bo bedisitswe ke mosadi tota. |

33
### MMUI B: *(O thikhitha tlhogo)* Ditlontlokwane le dithamalakwane ga ke tsamaisane le tsona.

### MMUI A: Mongwe o lela ka wena.

### MMUI B: Ke mang?

### MMUI A: Ke Mafeny.

### MMUI B: *(O sosobanya sefatlhego)* O se ka wa mpherekanya maikutlo. O mpolelela ka sekoropolapa seo. Selo seo, ke sa go iphimola dinao fela o be o se latlithela kwa.

### MMUI A: Kgait guidance, o se ka wa bua jalo ka mothaka yoo, o itse gore le nna ke monna.

### MMUI B: Mafeny ka mmoleletse mo matlhong gore ga se wa maemo a me. Nna ke na le madi a me ga ke tloke sepe. Ntatemogolo ke kgosi mo Lehurutshe. Ke na le ntle ya me.

### MMUI A: Tsotthe tseo, kwa ntle ga lorato lwa mokapelo, ga se sepe.

### DIPOTSO TSA TIRWANA 6

<p>| | |</p>
<table>
<thead>
<tr>
<th></th>
<th></th>
</tr>
</thead>
<tbody>
<tr>
<td><strong>1</strong></td>
<td>Naya maina a Mmui A le Mmui B. (2)</td>
</tr>
<tr>
<td><strong>2</strong></td>
<td>Badiragatsi ba ba mo temaneng ba ne ba dira kwa ka? (1)</td>
</tr>
<tr>
<td><strong>3</strong></td>
<td>Kgang ya sekoropolapa e amana jang le Mafeny? (2)</td>
</tr>
<tr>
<td><strong>4</strong></td>
<td>Tlhagisa lebaka le le thakathakanyeditseng Ntope lelapa. (2)</td>
</tr>
<tr>
<td><strong>5</strong></td>
<td>Naya dintlha di le PEDI tsa semelo sa ga Mafeny.Tshegetsa ntlha nngwe le nngwe ka lebaka. (4)</td>
</tr>
<tr>
<td><strong>6</strong></td>
<td>Go siama ga ga mogatsa Ntope go tsweletsa jang morero wa teramakhutshwe e? (2)</td>
</tr>
<tr>
<td><strong>7</strong></td>
<td>Tlhagisa dintlha di le PEDI tse di tlholoeng bofetwa jwa ga Nkefi. (2)</td>
</tr>
<tr>
<td><strong>8</strong></td>
<td>Maikutlo a gago ke afe tebang le Nkefi morago ga go buisa teramakhutshwe ya <em>Sekoropolapa</em>? Tshegetsa karabo ya gago ka lebaka. (2)</td>
</tr>
<tr>
<td><strong>9</strong></td>
<td>A go siame gore Nkefi a etele Ntope kwa booke laingo feta mosadi wa gagwe? Tshegetsa karabo ya gago ka lebaka. (2)</td>
</tr>
<tr>
<td><strong>10</strong></td>
<td>Go ya ka wena, o ne o ka gakolola jang batho go efoga se se diragaletseng Nkefi? Tshegetsa karabo ya gago ka lebaka. (2)</td>
</tr>
<tr>
<td><strong>11.</strong></td>
<td>Fa o ne o le Dikobe, o ne o ka thusa jang tsala ya gago Mafeny? Tshegetsa karabo ya gago ka lebaka. (2)</td>
</tr>
<tr>
<td><strong>12</strong></td>
<td>O ithutile eng go tswa mo go modiragatsi Mafeny? (2)</td>
</tr>
</tbody>
</table>

[25]
6. TSHEKATSHEKO YA TERAMAKHUTSHWE YA MOSADI KE WA ME

6.1 MAITSHELLEGÖ

Ditiragalo di simolola kwa ga Mmatšhatšhi, di tswelele kwa ga Nkele mme di khutle kwa ga Raesebo. Ga go a umakwa mafelo a malapa a a fitlhelwang kwa go ona mme gona paka e ditiragalo tsa teramakhutshwe e di diragalanang mo go yona ke ya sešweng. Go na le mmagiseterata, kgolegelo, motšhara e bile mmagiseterata fa a se na go nyadisa, o neela banyalani setefikeiti sa lenyalo.

6.2 KAROLOGANYETSO YA BADIRAGATSI

Mogapatiro - Raesebo.

- Morago ga gore mogats e bong Kgabale a thokafale ka ntlha ya go thulwa ke bese, o batla phitho ya gagwe e tshwarelwa mo letikiring la bona.

Mokganatiro - Mmatšhatšhi.

- O batla go gapeletsa gore phitho ya ga Kgabale e tshwarelwe kwa ga gagwe ka a tswetse madi a gagwe a inšorense pelo. O itsetsepela mo ntlheng ya gore Kgabale ga a nyalwa ka lešire, ka jalo lenyalo la gagwe ga le ise le wedie gore a ka bolokwa ke ba bogadi jwa gagwe.

Molothanyi -Monyana.

- O lotlhanya mmaagwe le ba bogadi jwa ga Kgabale ka go ya motlhaje le ena gore setopo sa ga Kgabale se tswele fa gaabo. Fa se se retela, o swetsa le mmaagwe gore ba thophele Kgabale lekase le le thotlhwagodimo gore Raesebo a se salelwe ke madi a a kalo go tswo ma inšorense ya ga Kgabale.

Badiragatsi ba batlaleletsi -Motšhankane le Mosime.

- Motšhankane o bepile kgotlhang e e neng e ka nna teng magareng ga kgaisadiagwe, Mmatšhatšhi le ba bogadi jwa ga Kgabale. O lemositse Mmatšhatšhi gore ke phoso go gapeletsa setopo sa ga Kgabale go bolokwa ke bona ka a nyetswe, a na le kwa ga gagwe.
- Mosime o reteletswe ke go lemosa boRaesebo gore fa ba reka lekase le le thotlhwagodimo ga ba ye go salelwa ke sepe mo mading a inšorense.
## 6.3 ITSE BADIRAGATSI BA GAGO!

<table>
<thead>
<tr>
<th>Modiragatsi</th>
<th>Semelo</th>
<th>Tshegetso</th>
</tr>
</thead>
</table>
| Raesebo     | • O na le lerato la nnete.  
               • O fetsa mogopolangwe.  
               • O boitshwarelo.  
               • O na le lerapo la mokwatla | • O sweditse gore Kgabele a bolokelwe mo letikiring la gagwe ka a batla go mo direla phitlho ya maemo a a kwa godimo.  
               • O lemosa boMmatšhatšhi gore ga a ka ke a fetola mogopolopolo, phitlho ya ga Kgabele e ile go tshwarelwa mo setsheng sa bona.  
               • O itumelela boMonyana fa ba fetotse Megopolopo mabapi le loso lwa ga Kgabele, a itumeletse gore ntwa ga e age.  
               • O emeleta nthha ya gagwe ya gore mosadi ke wa gagwe ka ditlankana tse di maleba. |
| Nkele       | • O rata kagiso | • Ga a ngangisane le boMmatšhatšhi. O bitsa Raesebo, mogatse Kgabele, go tla go atholo kgang ya boMmatšhatšhi e e neng e le mabapi le setopo sa ngwetsi ya gagwe. |
| Mmatšhatšhi | • O megagaru.  
               • O lefufa.  
               • O tletse tomeletso | • O batla madi a inšorense ya ga Kgabele le mororo a itse gore o nyetswe.  
               • O gapeletse gore Raesebo a rekele mogatse lekase le le tlothwagidimo ka madi a inšorense, maikaelele e le gore a se salefwe ke sepe, a lebetse gore o na le bana ba babedi.  
               • O a fufega gore fa setopo sa ga Kgabele se ka bolokelwa kwa ga Raesebo, o ile go bona madi mme a aga ntlo ka madi a ngwana wa gagwe. |
| Monyana     | • Ke lefererefere.  
               • O bofitlha. | • O tloothleletsa mmaagwe go tatalala gore Kgabele a bolokelwe kwa gaabo ka a sa tswa ka lesire.  
               • O gapeletsa gore Kgabele a tlophelwe lekase le le tloothwagidimo a ntse a itse |
6.4 MORERO
Morero wa teramakhutshwe e ke bogagapa jo bo dirwang mo losong.
Bogagapa bo bo thagelela ka nako ya loso lwa ga Kgabele. Mmaagwe e bong Mmatšhatšhi le morwadie e leng Monyana, ba loga maano a gore Nkele le Raesebo ba se bone madi a inšorense ya ga Kgabele, a bonwe ke bona.

6.5 MOLAETSA
- Motho ga a itsiwe e se naga.

6.6 MEFUTA YA KGOTLHANG

**Kgotlhang ya maikutlo**
Raesebo o bua a le esi ka ntle ya tiragalo e e mo thagetseng ya go latlhegelwa ke mosadi. O ipotsa dipotso tse di latelang:
- A o ya go nyla gape?
- Bana ba tlaa godisiwa ke mang?
- Goreng e le ena a diragaletsweng ke selo se se bosula se?

**Kgotlhang fa gare ga badiragtsi**
BoMmatšhatšhi le Monyana ba batla go gapeletsa gore phitlho ya ga Kgabele e tshwarelwe kwa gaabo, se se dira gore go nne le kgotlhang magareng ga Raesebo, Mmatšhatšhi le Monyana.

**Kgotlhang fa gare ga modiragtsi le tikologo/loago/setso**
BoMmatšhatšhi le Monyana ba batla go nna kgathanong le ka mokgwa o Kgabele a nyetsweng ka ona. Ba itlhokomolosa gore Kgabele o ntseditswe bogadi, ka jalo o tshwanetse go fitlhelwa kwa letikiring la gagwe.
6.7 POLOTO

Tshimologo

- Kgabele o thulwa le go bolawa ke bese mo mosong a ya tirong.
- Mmatšhatšhi le Monyana ba ya kwa go Nkele, mmatsalaagwe Kgabele, go ya go mo itsise fa setopo sa ga Kgabele se tlaa tswela kwa gaabo.

Tharaano/Tlakatlhakano /Thatafalo

- Mmatšhatšhi le Monyana ba goroga kwa ga Nkele go mo itsise tshwetso ya bona ka setopo sa ga Kgabele.
- Nkele o ba lemosa gore kgang e, e a mo palela.
- O bitsa mogatsa Kgabele e leng Raesebo go tla go utlwelela kgang e.

Setlhoa

- Raesebo ga a dumelane le boMmatšhatšhi, o ba bolelela fa mosadi e le wa gagwe.

Tharabololo

- Motšhankane o lemosa boMmatšhatšhi fa ba le phoso go batla go laola setopo sa ga Kgabele gonne o nyetswe, o fetotse sefane e bile o nna kwa ga gagwe.
- BoMmatšhatšhi ba fetola megopololo mabapi le setopo sa ga Kgabele.
- Ba itsise Nkele fa ba mo neela taolo ya setopo.
- Raesebo o lebogela kgang e.

Bokhutlo

- Lekase la ga Kgabele le a rekwa.
- Phitlho ya gagwe e tshwarelwa mo letikiring la gagwe.
- Raesebo o itumelela tsamaiso yotlhe

6.8 NTE RE GO ALELE PHATE KA GO SOBOKANYA DITIRAGALO TSA TERAMAKHUTSHWE E, PONO KA PONO, GO GO BOPELA SETSHWANTSHO.

Pono ya nthla (Kwa ga Mmatšhatšhi)

- Mmatšhatšhi o bolelela balelapa fa tiro ya loso lwa ga Kgabele e ka se busetswe kwa morago.
- Monyana o ba gakolola gore ba ye go itsise Nkele fa setopo sa ga Kgabele se tlaa bolokelwa fa gaabo ka a sa tswa ka lesire mo lapeng.
- Nkele ga a dumelane le bona. O bitsa Raesebo go tla go utlwa kgang e. Raesebo o ba lemosa fa mosadi e le wa gagwe e bile phitlho ya gagwe e ile go tshwarelwa kwa letiriking la bona.
- Mmatšhatšhi o kopa kgakololo go tswa go kgaisadiagwe, Motšhankane, mabapi le nthla e.
Motšhankane o ba lemosa fa ba dira phoso go batla setopo sa ga Kgabele ka a nyetswe, o dula kwa ga gagwe e bile o fetotse sefane.
Morago ga kgakololo ya ga Motšhankane, ba ineela gore Kgabele a tswele kwa ga gagwe.

Pono ya bobedi (Kwa ga Mmatšhatšhi)

Mmatšhatšhi o lemosa Monyana gore kgakololo ya ga Motšhankane e ba ntshitse madi a inšorense ya ga Kgabele ganong.
Monyana o mo gakololola gore ba se inele, ba tlhophe lekase le le thotlhwagodimo fa ba motšhara ba re ba ye go tlhophe lekase, lebaka e le go lomeletsa Raesebo gore a salelwe ke madi a mannye go tswana mo inšorense nga ga Kgabele.
Ba boela kwa go Nkele go mo itsise fa ba tsere tshwetso ya go mo rebolela setopo sa ga Kgabele.
Raesebo le mmaagwe ba nesetsa mafoko a pula.
Mosime, monna wa inšorense, o dira peelano le bona gore ka letsatsi le le latelang o tlaa tla go ba tsaya go ya kwa motšharing go ya go reka lekase la ga Kgabele.
Ba dumelana gore Monyana o tlaa tsamaya le Raesebo go ya go rekela Kgabele lekase.
Kwa motšharing boRaesebo ba feleletsa ba dumelana ka khasekete e e thotlhwagodimo, e e thophilweng ke Monyana. Mosime o ile a e duelela.
Mosime fa a se na go ba gorosa o boela gae. Mo tseleng o etile a ipotsa gore a go a thokagala gore go tswa mo mading a inšorense a e leng diranta di le dikete di le tlhano, go tsewe dikete di le nne le makgolo a le supa a diranta go reka lekase. O bona se e le tshenyo ya madi ka gonne go tshwanetse ga nna le madi a a bonalang go salela bana.

Tlotlofoko ya pono ya bobedi

Go rebolela – Go letla

Pono ya Boraro – (Kwa ga Raesebo)

Tshenye, mogolwaagwe Kgabele, o goroga kwa losong. O bontshiwa setopo.
Ka letsatsi la phitlho, Mosime ka e ne e le sebu, o thalosa fa ba le foo go diragatsa ditshholofetsa tsa bona mabapi le dituelo.
O thalosa fa ba uitwiwiwa bothoko ke go bona Kgabele a tswana lelapeng la gagwe le le ntšhwa a ya kwa matšitšeng.
Raesebo mo pelong ya gagwe o ne a tsamaisa mogatse sentle e bile a itumeletse gore o tswetsa le lelapeng la gagwe.

6.9 DITIRWANA TSA TERAMAKHUTSHWE: MOSADI KE WA ME

TIRWANA YA 7: POTSO YA TLHAMO

Bohula le bopeletshetla jwa go se kgotsofalele se re nang naso, gammogo le go eletsa dilo tsa ba bangwe di fapos batho mo go se se tshwanetseng go dirwa go ya ka setso kgotso thulaganyo ya lelapa, mme ka ntšha ya se, dilo di tswe mo taolong. Tshegetsa thigiso e, o ikagile ka ditiragolo tsa terakhatshwe ya 'Mosadi ke wa me'. Bolelele jwa tlhamo e nne mafoko a a ka nnang 400–450. [25]
### TIRWANA YA 8: DIPOTSO TSE DIKHUTSHWANE

Buisa nopolo e e latelang, mme o arabe dipotso.

<table>
<thead>
<tr>
<th>MMUI A</th>
<th>MMUI B</th>
<th>MMUI C</th>
</tr>
</thead>
<tbody>
<tr>
<td>Ngwanaka, re paletswe.</td>
<td>Ga re a palelwa.</td>
<td>Tswaya ka tsona.</td>
</tr>
<tr>
<td>Madi a re dule mo dinaleng re a lebile.</td>
<td>Re tshwanetse go senya madi a inšorense</td>
<td>Re neela ngwana mo diatleng tsa lelapa le.</td>
</tr>
<tr>
<td>Gore Nkele le morwaagwe ba se ka ba sala ka sepe.</td>
<td>Gore Nkele le morwaagwe ba se ka ba sala ka sepe.</td>
<td>Ke a leboga mma.</td>
</tr>
<tr>
<td>Raesebo o ya go nna mohumi.</td>
<td>Raesebo o ya go nna mohumi.</td>
<td>Dikgogakgogano ga di batlege, di senya tiro, e senyege.</td>
</tr>
<tr>
<td>Beke e e tlang, o tlaa bo a emisitse ntlo ka madi a ngwanake</td>
<td>Beke e e tlang, o tlaa bo a emisitse ntlo ka madi a ngwanake</td>
<td>Kutlwano ke maatla.</td>
</tr>
<tr>
<td>MMUI A</td>
<td>MMUI B</td>
<td>MMUI A</td>
</tr>
<tr>
<td>O se ka wa tshwenyega mma.</td>
<td>Batho ba inšorense ba tšile gore re tlohopa lekase.</td>
<td>Mmaetsho re boile mo tseleng jaaka go twe motswagae ga a laele.</td>
</tr>
<tr>
<td>Re tlaa tlohopa la madi a a kwa godimo</td>
<td>Re tlaa tlohopa la madi a a kwa godimo</td>
<td>Re bone go tlhokega thata go go latsa ka lefoko.</td>
</tr>
<tr>
<td>Go tlaa bo go setse madinyana a se makae fela.</td>
<td>Go tlaa bo go setse madinyana a se makae fela.</td>
<td>Lefoko?</td>
</tr>
<tr>
<td>MMUI B</td>
<td>MMUI A</td>
<td>MMUI C</td>
</tr>
<tr>
<td>A re fodise dinao, re tlaa ya ka letlatlana.</td>
<td>Mmadetshe re boile mo tseleng jaaka go twe motswagae ga a laele.</td>
<td>Ngwanaka.</td>
</tr>
<tr>
<td>(Go letlatlana, ba goroga kwa ga Nkele)</td>
<td>Re bone go tlhokega thata go go latsa ka lefoko.</td>
<td>Mma!</td>
</tr>
<tr>
<td>(O bua a phutholotse mowa)</td>
<td>Lefoko?</td>
<td>(O bitsa morwaagwe)</td>
</tr>
<tr>
<td>MMUI A</td>
<td>MMUI C</td>
<td></td>
</tr>
<tr>
<td>Mmaetsho re boile mo tseleng jaaka go twe motswagae ga a laele.</td>
<td>Mmaetsho re boile mo tseleng jaaka go twe motswagae ga a laele.</td>
<td></td>
</tr>
<tr>
<td>MMUI B</td>
<td>MMUI C</td>
<td>MMUI D</td>
</tr>
<tr>
<td>A re o go neela taolo ya setopo sa ga mogatso.</td>
<td>A re o go neela taolo ya setopo sa ga mogatso.</td>
<td>Sa me selelo se tlaa fokotsa.</td>
</tr>
<tr>
<td>Bagolo ba me, ke a le leboga.</td>
<td>Bagolo ba me, ke a le leboga.</td>
<td>Tsa me dikeledi, di tlaa phimoga.</td>
</tr>
<tr>
<td>MMUI A</td>
<td>MMUI B</td>
<td>MMUI A</td>
</tr>
<tr>
<td>Ke a leboga mma.</td>
<td>Mmaago ke yono.</td>
<td>A me maikutlo a tlaa okobala.</td>
</tr>
<tr>
<td>MMUI C</td>
<td>MMUI D</td>
<td>MMUI C</td>
</tr>
<tr>
<td>Dikgogakgogano ga di batlege, di senya tiro, e senyege.</td>
<td>Sa me selelo se tlaa fokotsa.</td>
<td>Mogatsaake, o tlaa tswela mo ntlong e e leng ya gagwe.</td>
</tr>
<tr>
<td>Kutlwano ke maatla.</td>
<td>Tsa me dikeledi, di tlaa phimoga.</td>
<td>Ntlou ya gagwe e ne e sa mo thabise kgala fa a tshela.</td>
</tr>
<tr>
<td>(O bitsa morwaagwe)</td>
<td>A me maikutlo a tlaa okobala.</td>
<td>Ga e kitla e mo thabisa kgala fa a tswela mo go yona fa a didimetse.</td>
</tr>
<tr>
<td>MMUI A</td>
<td>MMUI B</td>
<td>MMUI C</td>
</tr>
<tr>
<td>Ngwanaka.</td>
<td>Ntlo ya gagwe e ne e sa mo thabise kgala fa a tshela.</td>
<td>(Go tsena re wa inšorense)</td>
</tr>
<tr>
<td>Mma!</td>
<td>Ga e kitla e mo thabisa kgala fa a tswela mo go yona fa a didimetse.</td>
<td></td>
</tr>
<tr>
<td>MMUI C</td>
<td>MMUI D</td>
<td>MMUI C</td>
</tr>
</tbody>
</table>
| Mma! | Sa me selelo se tlaa fokotsa. | }
1. Naya maina a MMUI A le MMUI C. (2)
2. Naya dintlha di le THARO tse di thodiling mmuisano o o fa godimo. (3)
3. Go fetola mogopolo ga Mmatšhatšhi go senola semelo sefe sa gagwe? (2)
4. Go dumela kgakololo ya ga Motšhankane ga Mmatšhatšhi go tsweletsang morero wa teramakhutshwe e? (2)
5. Tihalosoa gore mmuisano wa ga Mmatšhatšhi le Monyana o nnile le ditlamorago dife. (2)
6. Go ka bo go diragetse eng ka morero wa teramakhutshwe e fa Raesebo a ka bo a dumetse gore Kgabele a fithelwe kwa gaabo? (2)
7. Monyana o na le seabe sefe mo go tsweletseng kgotlheng ya teramakhutshwe e? (2)
8. A Monyana le Mmatšhatšhi ba fitheletse maikaelo a bona mo go lomeletseng Raesebo go fitla mogatse? (2)
9. Ke kgakololo efe e o neng o ka e neela Monyana mabapi le go sunyasunya nko mo morerong wa ga mogoloe? (2)
10. Fa o ne o le Raesebo, o ne o ka dira eng fa mmatsalaago a rata go go tseela tshwetseng ya go boloka mosadi wa gago? (2)
11. Fa Nkele e ka bo e le mmaago, a o ne o ka mo itumelela? Tshegetsa karabo ya gago ka lebaka. (2)
12. Moterama o re ruta eng ka modiragatsi a tshwana le Nkele (2)

3 TSHEKATSHEKO YA TERAMAKHUTSHWE YA METLHOLO GA E FELE

7.1 MAITSHETLEGO

Terama e, e diragala mo pakeng ya sešwa le segompieno mo metsesetorong ya Porotiya, White City le Naledi e e nang le mebila, dijanaga, setofo le thelebišene. Bontsi ba ditiragalo tsa teramakhutshwe e e fa isong, di ikadile segolo kwa ga Ramoopampa, mo Porotiya. Fela di na le go sutasuta go se ka go ya kwa mafelokgang a mangwe.

Porotiya (Kwa ga Ramoopampa)

- Ke lefelokgang mo motsesetoropong wa Porotiya, kwa ga Ramoopampa, kwa ditiragalo tsa teramakhutshwe ya Metlholo ga e fele di thankgologang mo go lona.

White City (Kwa ga Mkhonto)

- Lelefokgang le Ramoopampa a isitseng Mkhonto kwa go lona morago ga go mo fitlhela mo segotlong sa gagwe a sa apara.

Perekwane (Kwa bookelong)

- Lelefokgang le Ramoopampa a isitseng Seponono teng, morago ga go longwa ke dintswa tsa gagwe, fa a sena go di golola a ithaya a re o netefaditse gore ga go na batho bape go bapa le lebotana la gagwe.

Kwa Naledi

- Ke lefelokgang le Morwadi a boleletseng Ramoopampa gore o nna kwa go lona fa a sena go mo fitlhela a robetse mo segotlong sa gagwe.
Bagapatio

Ramoopampa le Sara

- Badiragatsi ba babedi ba ke bagapatio gonne ditiragalo tsa teramakhutshwe ya ‘Methlho ga e fele’ di simolola le go felela ka bona.

7.2 KAROLOGANYETSO YA BADIRAGATSI

Badiragatsi ba batlaleletsi

Konti le Mmauwane

- Ke batlaleletsi ka gore ba tlhagelela fela nakonyana fa ba ya go bega molato kwa ga Ramoopampa morago ga gore dintšwa tsa gagwe di lome Seponono.
- Seabe sa bona se felela fa Mmauwane le Ramoopampa ba boa kwa bookelong go tswa go isa Seponono.

Mokhonto le Mpho

- Ke batlaleletsi ka gore ba tlhagelela fela nakonyana e khutshwane fa Ramoopampa a isitse Mokhonto kwa ga gagwe morago ga gore a mo fitlhеле mo segotlong sa gagwe a sa apara.

Pule le Seponono

- Badiragatsi ba, ba tlhagelela fela ka nakonyana e ba neng ba iphitlhile ka lebotana la kwa ga Ramoopampa, mme dintšwa tsa gagwe tsa feleletsi di lomile Seponono.

Manaila le Mphodi

- Ba tlhagelela bosigo fa Sara a phutha tse di batlwang go phuthwa mme a bona sejanaga se eme fa pele ga ntlo ya bona. Fa Ramoopampa a ya go tlhola gore ke bomang, a fitlhela e le Manaila le Mphodi.

Morwadi

- Ke molaleletsi ka gore o tlhagelela fela nako e khutshwane fa Ramoopampa a mmetsa ka fenebelete morago ga go mo fitlhela a robotse mo segotlong sa gagwe.

7.3 ITSE BADIRAGATSI BA GAGO!

<table>
<thead>
<tr>
<th>Modiragatsi</th>
<th>Semelo</th>
<th>Tshegetso</th>
</tr>
</thead>
<tbody>
<tr>
<td>Ramoopampa</td>
<td>O botho</td>
<td>O botsa Konti le Manaila gore a ba direle eng fa dintšwa tsa gagwe di lomile Seponono.</td>
</tr>
<tr>
<td></td>
<td>O boutlwelobothoko</td>
<td>O adima Mokhonto terekesutu le go mo isa gae.</td>
</tr>
<tr>
<td></td>
<td>Ke segatlhamelamasisi</td>
<td>Ga a boife go ya go kokota mo letlhabaphefong la</td>
</tr>
</tbody>
</table>
**7.4 MORERO**

Ditiragalo tsa teramakhutshwe ‘*Metlholo ga e fele*’, di ikaegile ka ditiro le mmuisano magareng ga badiragatsi Ramoopampa, Sara, Konti, Mmauwane, Mpho, Pule, Seponono, Mokhonto, Manaila, Mphodi le Morwadi go thagisa dipolotwana tse di farologaneng tse di agelelang mo polotong e kgolo go senola morero wa gore, rure, mathata a ntlo e e mo sekhutlong, ga a fele.

**7.5 MOLAETSA**

Molaetsa o o ithutilenq ona go tswa mo badiragatsing ba ba farologaneng mo teramakhutshweng ya *Metlholo ga e fele* ke o o latelang: Mathata kgotsa metlholo ya ntlo e e nang le sesireletsi sa lebotana e le mo sekhutlong ga a fele.

**7.6 MEFUTA YA KGOTLHANG**

**Kgotlhang fa gare ga modiragatsi le tikologo**

- Sara o na le kgotlhang le ntlo e e mo sekhutlong e e nang le lebotana, ka metlholo ya yona ga e fele.
- Morwadi o tshaba go tlola seporo, a tshaba go bolawa ke ditsotsi.

**Kgotlhang fa gare ga badiragatsi**

- Kgotlhang magareng ga Ramoopampa le batsadi ba ga Seponono morago ga gore dintšwa tsa gagwe di lome Seponono lerago.
- Kgotlhang fa gare ga Mpho le Mokhonto morago ga gore Mokhonto a fitšhelwe kwa ga Ramoopampa a sa apar.a.
- Kgotlhang fa gare ga Ramoopampa le Manaila, fa Manaila le Mphodi ba eme fa pele ga gagwe.
- Kgotlhang fa gare ga Ramoopampa le Morwadi morago ga gore a robale mo segotlong sa gagwe.

**7.7 DIKGATO TSA KGOTLHANG**

Dikgato tsa kgotlhang ga di bonagale gonne e le terama ya metlae.

**SEGALO**
Mmuisano magareng ga badiragatsi ke seikokotlelo se moterama a se dirisang go senola morero wa teramakhutshwe ya gagwe.

**MAIKUTLO**

Maikutlo ke sengwe se mmuisi a itemogelang sona mo teramakhutshweng. E ka nna maikutlo a lerato, lenyatso, kutlobotlhoko, boitumelo, kakgolo, tshotlo le a kgalefo.

7.8 NTE RE GO ALELE PHATE KA GO SOBOKANYA DITIRAGALO TSA TERAMAKHUTSHWE E, PONO KA PONO, GO GO BOPELA SETSHWANTSO.

**Pono ya ntlha (Kwa ga Ramoopampa)**

- Ditiragalo di thahola ka Sontaga mo Porotiya kwa ga Ramoopampa, fa Sara a ngangisana le monna wa gagwe gore ba tshwanetse go fuduga ka ntlha ya mathata a ba itemogelang ona ka ntlo e e mo sekhutlong.
- Ramoopampa o bofolola dintšwa tsa gagwe morago ga go netefatsa gore ga go na ope ka fa morago ga lebotana.
- Dintšwa di loma Seponono yo Ramoopampa a sa lemogang gore ena le Pule ba ne ba ipatikile ka lebotana.
- Konti le Mmauwane ba tla go bega molato wa go longwa ke dintšwa ga ga Seponono le go kopa Ramoopampa go tsaya maikarabelo a ditshenyegelo.
- Ramoopampa o tsamaya le Mmauwane go isa Seponono kwa bookelong jwa Perekwane.
- Konti o fetsa ka gore Ramoopampa a se ka a duela ditshenyegelo ka a tswa go is a Seponono kwa bookelong jwa Perekwane e bile ngwa wa gagwe a mo swabisitse.

**Tlotlofoko ya pono ya ntlha**

- Go sasanka masigo – go tsamaya thata masigo
- Ke ditau – ba bogale thata
- Fa letlatana le tshwara- go nna maitsebowa/go nna lefifi
- Letsatsi le dikela – letsatsi le phirima
- Go thabisa kgala – go swabisa
- Go ja mokaragana – go itumela
- Go thapa diatla – go ithloboga
- Go sela dibi – go ipatlisa se se seyong

**Pono ya bobedi (Kwa ga Ramoopampa)**

- Ditiragalo di tswelela letsatsi lengwe bosigo, mo Porotiya kwa ga Ramoopampa, fa a utlwa dintšwa di bogola.
- O fitlhela Mokhonto a sa apara mo segotlong sa gagwe, a kaya fa a thasetswe ke dinokwane tse di mo tseetseng madi le diaparo, metholo e a simololang go e bona.
- Ramoopampa o naya Mokhonto terekesutu gore a ikatege le go mo isa gae kwa White City.
• Morago ga beke Ramoopampa o bona Mkhonto a tshwaragane ka matsogo le mosadi wa monna yo mongwe mo Porotiya.
• O lemoga fa Mkhonto a ne a mmolelela maaka fa a re o ne a thasetswe ke dinkwane.

**Tlotlofoko ya Pono ya bobedi**

- Go mo lathela diatla - go sa mo thuse.
- Go swa pelo - go tseana/go tlhoka letswalo
- Go bua ka pelo - go se buele kwa ntle
- O le nthwa - o sa apara sepe
- Go tlhoma matlh - go lebelela thata

**Pono ya boraro (Kwa ga Ramoopampa)**

- Ditiragalo tsar teramakhutshwe di felela kwa Porotiya kwa ga Ramoopampa fa Sara a tswana leka ga phutha tse di phuthegag mo ntlong, fa a bona koloi e eme fa kgorong ya ntlwa ya bona.
- Ramoopampa o ya go tlhola, mme o fithlha Mphodi le Manaila ba iketilele e kete ba kwa lekaeng la bona.
- O gagamatswa ke gore ke eng ba sa ye go iketla kwa gaabo Mphodi ka go se kgakala, mme Manaila o thalosa gore o tlotla mmaagwwe Mphodi ka Mphodi a sa ntse a tsena sekolo, gapa b tshaba go ya kgakala ka ba tlaa bolwa ke batho.
- Se, se lemosa Ramoopampa ka mathata a ntlwe e e mo sekhutlong a a kailweng ke mogatse, Sara.
- Morago ga dibek e tse pedi Manaila o boela kwa go Ramoopampa go mmolelela fa a mo leofetse, ena o na le motse, ke ka moo a se ka keng a tsena fela kwa gaabo Mphodi.
- Ramoopampa o lemoga fa kakanyo ya ga Sara ya go re ba fuduge e le maleba, fela o kaya gore e tshwanetse ya nna go fuduga ka go ithaopa e seng ka pateletso.
- Letsatsi lengwe ka Sontaga Sara a ntse a phepafatsa setupu, o bona motheon a robotse mo segotlong sa bona e kete o sule, mme o itsise Ramoopampa.
- Ramoopampa o fithlha e le Morwadi wa kwa Naledi, mme o mmetsa ka fenebelete ka a ne a bua makagaka a go re e ga a mmone gore o robotse.
- Morwadi o bolelela Ramoopampa gore o ne a tlele go nwa bojalwa mo Porotiya mme ka go tshaba go bolwa ke ditlitsi, a bona go le botoka gore a robale mo segotlong sa ga Ramoopampa.
- Teramakhutshwe e felela fa Ramoopampa a kgaogana le Morwadi morago ga go mo kgalele gore a se ka a tlhola a robala fa ga gagwe.

**Tlotlofoko ya pono boraro**

- Go betwa ke pelo – go tenega
- Go loma o fodisa – go dira ka go ikutswa
- Go tsenya moretla – go betsa/teketa/itaya
- Go tsena ka dinao tse pedi – go tsena mang le mang a bona
7.9 DITIRWANA TSA TERAMAKHUTSHWE: METLHOLO GA E FELE

TIRWANA YA 9: POTSO YA TLHAMO

Teramakhutshwe ya ’Metlholo ga e fele’, e senola fa ruri metlholo e ne e sa fele mo ntlong e e fa sekhutlong le mo lelapeng la ga Ramoopampa. Tshegetsa thagiso e, o ikaegile ka ditiragalo tsa terama e. Bolelele jwa tlhamo e nne mafoke a a ka nnang 400–450. 

TIRWANA YA 10: DIPOTSO TSE DIKHUTSHWANE

Buisa nopolo e e latelang, mme o arabe dipotso.

Nopolo

<table>
<thead>
<tr>
<th>PULE: SEPONONO</th>
<th>Ntšwa ke eo! <em>(Ba a tshaba. Ntšwa e loma Seponono mo maragong.)</em> <em>(O a goa)</em> ijo! E ntomile</th>
</tr>
</thead>
<tbody>
<tr>
<td>SARA: RAMOOPAMAPA:</td>
<td>Go na le motho yo o gowang Mo tlogele, basetsana ba ba sasankang masigo ba, ga ba ithate. <em>(Ba tswelela ka go ja. Metsotswana pele ga ura ya borobedi, ke fa mongwe a kokota. O buelu kwa tlase.)</em></td>
</tr>
</tbody>
</table>

DIPOTSO TSA TIRWANA YA 10

| 1 | Ke mang yo o lomilweng ke ntšwa mo maragong, mme e mo lometswe kwa ga mang? | (2) |
| 2 | Naya ditiragalo di le THARO tse di neng di direga gaufi le ntlo e e mo sekhutlong. | (3) |
| 3 | Rre Mokhonto o ne a itsege ka eng? | (2) |
| 4 | Ntšha maikutlo a gago mabapi le ntlo e e nang le lebota e bile e le mo sekhutlong. | (2) |
| 5 | Goreng Ramoopampa a sa bofolola dintšwa lwa ntlha fa a ne a tswete kwa ntle nako e pula e neng e na? | (2) |
| 6 | Go romiwa ga ga Seponono go neile Pule tšhono ya go bona mokapelo. Tshegetsa karabo ya gago ka lebaka. | (2) |
| 7 | Semelo sa ga Konti se na le seabe sefe mo tsweletsong ya morero wa teramakhutswes e? | (2) |
| 8 | Go reng Ramoopampa a ne a ganana le kakanyo ya ga Sara ya go fuduga? | (2) |
| 9 | Fa o bona, a Pule o rata Seponono? Tshegetsa karabo ya gago ka lebaka. | (2) |
| 10 | Fa o ne o le Seponono o na le bana ba bannye, a o ne o tla tswelela o ratana? | (2) |
| 11 | Go ya ka wena, a tshwetso e e tserweng ke Konti ya go se duedise Ramoopampa e siame? | (2) |
| 12 | O ithutile eng ka moanelwa a tshwana le Mmauwane? | (2) [25] |
**KGAOLO YA BONE**

**DIKAEDI TSA GO TSHWAYA DITIRWANA TSA DITERAMAKHUTSHWE TSA MATSAPA DI A TSAYA KAE: SS MOKUA**

**8.1 TERAMAKHUTSHWE: MATSAPA DI A TSAYA KAE?**

**TIRWANA 1: KAEDI YA GO TSHWAYA POTSO YA TLHAMO**

Mmapa wa thalagonyo

- Ntshidi ga a ka a nna phalana mo batsading ba gagwe ka jalo matsapa a lelapa la ga Legae le neng le itemogela ona, a ne a feleletsa a bolaile rraagwe gammogo le ena. Setswana sa re ngwana wa mosetsana ke thaka ya ga mmaagwe, mme ga go a ka ga nna jalo ka Ntshidi.
- Mmaagwe o ne a okomela nkgo phetelela, mme a sa itse gore monna o tshwanetse go ja, go tlhatswetswa makgasana le go nna ntlong e e phepa. Ntshidi o ne a nna le bona, a bona dilo tse di diragala, mme ga a ka a gakolola mmaagwe le go nna kgatlhanong le dilo tse a neng a di dira.
- Go le gantsi, bagolo gore ba tswe mo mekgweng wa bona e e sa yeng ka tselo, ba a bo ba tlhambilwe bothale ke bana ba bona gore se ba se dirang ga se ye ka tselo, ka Setswana se re ngwana ntae ke go lae tlhogotshweu ga se molao.
- Ntshidi jaaka a ne a setse a le mo ngwageng wa gagwe wa boraro, o e bileng e le wa bofelo, kwa yunibesithing, go ne go se thona ya gore a lemoso mmaagwe diphosoa tse a neng a di direla Legae, motho yo o mo tlhokomelang thata.
- O bone boitumelo jo rraagwe a neng a le mo go jona fa dipholo tsa marematlou di phasaladiwa, mme a ithithela a falotse. Rraagwe ke ena wa nthla yo o itsitseng gore morwadie o falotse ntswa le ena mong wa dipholo a ne a sa itse fa di duie, ka a ne a di lebeletse mo letsatsing le le latelang.
- Legae o ne a eme Ntshidi nokeng, a mo tsenya sekolo ka tshotlego, a dira a le esi ka mmaagwe a ne a thoka tiro. O ne a ka mpa a lala ka tlaa fa fela Ntshidi a ne a ka nna le dilo tsa sekolo.
- O ne a boa a mo romela kwa yunibesithing a sa tlhajwe ke ditlhong go ipona a tsamaya fa thoko ga setlhako fela gore Ntshidi a ye sekolong. O ne a batla go
mmona fela a tsweletse mo botshelong ka a itse gore ga go boswa jo bo gaisang thuto.

- Bana ba bona dilo tse di diragalang mo matsheleleng a batsadi ba bona. Se, se gakgamatsang ke gore a kemonokeng ya ga Legae ya go tloga a sa le monnye o ne a e tidisa matlhlo, fa e re a le mo mmeleng gammogo le go tswa ga bogadi jwa gagwe a tlhoke go lemosa mmaagwe gore bogadi ga bo a tshwanelwa go amogelwa ke rraagwemogolo.

- Ngwana fa a setse a tsena mo nyalong, o setse a godile, mme go na le dikgakololo tse a ka di dirang jaaka go lemosa mmaagwe gore ena le rraagwemogolo, ba ne ba sa dire, mme mo nakong yotlhe e, rraagwe ke ena yo o neng a rwele maikarabelo a go duelela dithuto tsa gagwe, ka jalo bogadi bo tshwanelwa ke go amogelwa ke ena kwa gaabo.

- Fa a ya kwa phithong ya ga raagwe, o kaile fa a sa itse gore o tsile go rekelwa ke mang purapura ka raagwe a di tlotla le badimo, mme o paletswe ke go mo sireletsa le go boloka botshelo ba gagwe, fa a bona a sa tsewe ka tsela.

- Ntshidi o tlhokofala jaana mo losong le a ka bong a le efogile ka nthla ya go se nne mosola mo go neyeng batsadi ba gagwe dikgakololo.

**TIRWANA 2: KAEDI YA GO TSHWAYA DIPOTSO TSE DIKHUTHSHWANE**

<p>| | |</p>
<table>
<thead>
<tr>
<th></th>
<th></th>
</tr>
</thead>
<tbody>
<tr>
<td>1.</td>
<td>Ntshidi ke ngwana wa ga Legae</td>
</tr>
</tbody>
</table>
| 2. | **Nkitsing o ne a sa itse gore:**
|   | Monna o a thatswetswa |
|   | Monna o aplelua dijo. |
|   | Ntlo e a phepafadiwa. |
| 3. | Ke sa go lemosa kgakololo gore ka dinako dingwe dilo ga di diragale jaaka go ge go solofetswe/Ga di tsamaye ka tsela e di tshwanetseng go tsamaya ka yona. |
| 4. | A kutlobothoko ka rraagwe a sa bolo go mo ema nokeng mo dithutong tsa gagwe, mme jaanong fa a tlhokafetsa ga a itse gore o tsile go rekelwa ke mang purapura. |
| 5. | Ke motho yo o se nang nnete, yo o se nang ditebogo, gonne fa a bona Ntshidi a nyalwa, o bona fa Legae a sa tshwannwe ke bogadi ka e se rraagwe. |
| 6. | Nnyaya - tshwetso e Legae a e tsereng (ya go ipolaya) ga e rarabolole mathata, ka nthla ya gore ga go na motho yo o se nang mathata, ga ipolaya go tihola mathata a mantsi, gonne le batho ba o ba tlogelang, ba ipotsa dipotsod  di le dintsi tseo di tihokang dikarabo. (Dikarabo tsa batlhatlhojwa tse di nepagetseng di elwe tihoko). |
| 7. | Go tlhokafala ga ga Ntshidi go isa ditiragalo tsothe tsa terama kwa bokhutlong, mme Thapi o a itshola. |
| 8. | Ee - Ntshidi o dumelane le mmaagwe gammogo le rraagwemogolo gore bogadi jwa gagwe bo tswele kwa Mmitolente. Nnyaya - go le gantsi mo setsong bana ga ba tsene dikgang tsa lenyalo ka di le masisi, mme ba tsaya fela se ba se bolelelwang. (Dikarabo tsa batlhatlhojwa tse di nepagetseng di elwe tihoko). |
| 9. | Nnyaya - ga go a siama gonne ngwana a na le kwa gagabo kwa bogadi bo ka tswelang teng e seng kwa ga rraagwemogolo. Ga go a siama- gonne e le go lomeletsa, dinako tsothe fa ngwana a ntse a tsena sekolo kwa gaabo mmaagwe ba ne ba le kgakala, mme fa madi a tla ga a tshwanele motho yo o ntseng a eme ngwana nokeng, a tshwanela bona. |
10. Ee - go siame gonne setso se dirwa jalo/mo setsong sa Setswana kgomo e gapwa le namane/ngwana ga a tlhaoiwe, go le gantsi o a amogelwa mo setsong.
Nnyaya - gonne gantsi ngwana yoo fa a gola o tlaa simolola go go thanogela fa a se na go itse gore ga o rraagwe, fela jaaka Ntshidi a ne a dumelana le kakanyo ya ga mmaagwe.
(Dikarabo ts'a batlhatlhojwa tse di nepagetseng di elwe tlhoko).

11. Ee - gore a tle a ithute ka diphoso tsa gagwe/a bone diphoso tsa gagwe. O ne a itewa ka nthha ya diphosophoso tse a neng a di dira.
Nnyaya - ga go ope yo o ka ratang fa o ka latlhegelwa ke monna le ngwana ka nako e le nngwe/Go utiwisa boltlhoko go feta selekanyo go latlhegelwa ke batho ba le babedi ka nako e le nngwe.
(Dikarabo ts'a batlhatlhojwa tse di nepagetseng di elwe tlhoko).

12. Go nna motho yo o tlhokang ditebogo ga go a siama/megagaru ga e busetse sepe/go nna le maikarabelo a bomme.
(Dikarabo ts'a batlhatlhojwa tse di nepagetseng di elwe tlhoko)

8.2 TERAMAKHUTSHWE: BATHO GA BA TSHWANE
TIRWANA 3: KAEDI YA GO TSHWAYA POTSO YA TLHAMO

Mmapa wa dikakanyo
<table>
<thead>
<tr>
<th>ITEM</th>
</tr>
</thead>
<tbody>
<tr>
<td>1. Ee, ditiragalo tsa teramakhutshwe, 'Batho ga ba tshwane', di tsamaisana le sethogo.</td>
</tr>
<tr>
<td>2. Moremi o farologana le banna ba bantsi ka go thusa Nnaniki, mosadi wa gagwe go anega diaparo.</td>
</tr>
<tr>
<td>3. Ga ba bantsi banna ba o fitlhelang ba thusa basadi ba bona ka go tlhatswa diaparo.</td>
</tr>
<tr>
<td>4. Bangwe ba ka feleletsa ba re Moremi o apere jase kgotsa mosadi o mo itebagantse.</td>
</tr>
<tr>
<td>5. Fela Moremi ga a ise dilo tse di ntseng jaana kwa thogong, o thusa mosadi wa gagwe ka boineelo le lerato.</td>
</tr>
<tr>
<td>6. Se se mo farologanya le batho ba bangwe gore ka nnete batho ga ba tshwane.</td>
</tr>
<tr>
<td>7. Moremi o tlhagisetsa mogatsa ntiha ya gore ba tshwanetse go batlela mosadimogolo motho yo a ka nnang le ena.</td>
</tr>
<tr>
<td>8. O tlhagisa kakanyo ya gore ba batle motho wa kwa kgakala ka gore balosika ba ba phuagantse fa ba ne ba ba kopile.</td>
</tr>
<tr>
<td>9. Tiro ya mofuta o mo malapeng a mantsi go tlwaelegile e dirwa ke bana ba basetsana, fela kwa ga Moremi ke ena a e dirang.</td>
</tr>
<tr>
<td>10. Se se supa gore ruri batho ga ba tshwane ka mo lebakeng le, e dirwa ke motho wa monna, Moremi.</td>
</tr>
<tr>
<td>11. Fa mosadi wa ga Moremi a kaya gore batho ba kwa kgakala ba ka ba udubatsa ka go bo utswetsa ditsho, Moremi o mo thalosetsa gore batho ga ba tshwane.</td>
</tr>
<tr>
<td>12. Fa Nomalanga a goroga le Nobuhle, o amogelwa ke Moremi e seng Nnaniki. Se se farologana le mo malapeng a mangwe moo Nomalanga a tshwanetseng ke go amogelwa ke mosadi wa lelapa, e seng monna.</td>
</tr>
<tr>
<td>13. Ka jalo se se senola fa lelapa la ga Moremi le sa tshwane le malapa a mangwe, fa ruri batho ba sa tshwane.</td>
</tr>
<tr>
<td>14. Moremi ga a ka a tswa pelo fa a bona Nomalanga jaaka o ka fitlhela go diragala mo gongwe.</td>
</tr>
<tr>
<td>15. Se, se supa fa Moremi a sa tshwane le batho ba bangwe, a sa raelesege bonolo fa a bona lerama le le sethana.</td>
</tr>
<tr>
<td>16. Nomalanga o fetile a dira ka natla, a thokomela mosadimogolo bontle le go mo phutha. A dira go farologana le ngwana wa mmangwanaabo Moremi.</td>
</tr>
<tr>
<td>17. Fa mosadimogolo a sena go thokafala, Moremi o bolelela Nomalanga gore o mmatletse tiro kwa mooking mongwe. Nomalanga o gana tiro eo le go bolelela mooki Matlhare gore baoki ga ba na tshwaro e ntle mo bathusing ba bona.</td>
</tr>
<tr>
<td>18. Ga se batho ba bantsi ba ba ka buang nnete jaaka Nomalanga mo pele ga mooki Matlhare. Se se supa fa batho ba sa tshwane e le ruri.</td>
</tr>
</tbody>
</table>

[25]
<table>
<thead>
<tr>
<th></th>
<th>TIRWANA 4: KAEDI YA GO TSHWAYA DIPOTSO TSE DIKHUTSHWANE</th>
</tr>
</thead>
<tbody>
<tr>
<td>1</td>
<td>Nnaniki.</td>
</tr>
<tr>
<td>2</td>
<td>O phuaganya mmaagwe Moremi gore ditiragalo tsa teramakhutshwe di tselele pele ka go batla motho yo o ka mo thokomelang.</td>
</tr>
<tr>
<td>3</td>
<td>Ee - gone Moremi o ne a tsaya Nomalanga jaaka ngwana wa mo lapeng, ga a ka a dira jaaka borre ba bangwe ba a tle ba dire ka go ikutswa nae.</td>
</tr>
<tr>
<td>4</td>
<td>Motho yo o lerato gone o ne a thusa mosadi wa gagwe ka ditiro tsaa fae. O ne a le kutlwelelo – o dumelane le mogatse go batlela mmaagwe mothusi.</td>
</tr>
<tr>
<td>5</td>
<td>Go isa kgothang kwa tharabololong ka gore go boela ga gagwe kwa gae go raya gore terama e a fela.</td>
</tr>
<tr>
<td>6</td>
<td>Go dira gore MmaMoremi a tlhoke motho yo o ka nnang le ena, mme se se pateletsa Moremi go mmatlela motho gore poloto ya teramakhutshwe e tselele pele.</td>
</tr>
<tr>
<td>7</td>
<td>Ditiragalo tsa teramakhutshwe di ne di ya go phuthlama ka gore go ne go sa ye go nna le ope yo o tlaa thokomelang mmaagwe Moremi go di tsweledisa pele go senola morero wa batho ga ba tshwane/Gongwe di ne di ka tsaya lethakore le lengwe.</td>
</tr>
<tr>
<td>8</td>
<td>Ee - go le gantsi borre ga ba thuse bomme mo malapeng jaaka Moremi a thusa Nnaniki go anega dikhai. Moremi o ne a na le bokgaitsadie, fela ke ena yo o neng a rwele maikarabelo a go batlela mmaagwe mothokomedi ntswa mo matsheleng a rona, se se dirwa ke bana ba basetsana. Nnyaya - Gompieno ga go na tiro ya monna kgotsa ya mosadi, botlhe ba a lekana. Ga go phoso gore Moremi a anege dikhai e bile go matshwanedi go batlela botsadi tshokomelo e e mo lebaneng.</td>
</tr>
<tr>
<td>9</td>
<td>Ga se nnete jaaka mooik Matlhare a setse a kaile gore batho ga ba tshwane ka gore go na le baoki ba ba boulelang kgotsa ba dipelo tsa bona di salelang kwa morago fa ba dira bosigo, ka nthla ya go thhoka boikanyego ga banna ba bona, mme fela ga se bona botlhe.</td>
</tr>
<tr>
<td>10</td>
<td>Ee - ke ne ke ka e gana gone ge le bokete go dira o sa phuthologa, e bile o ne o direla modiredi yo o neng a go tsheetse sentle jaaka Moremi. Nnyaya - ke ne ke ka se e gane gone ke thhoka madi e bile ge supa boikanyego mo bathaping ba me gore ba ntseela matsapa, ba e mpatlela.</td>
</tr>
<tr>
<td>11</td>
<td>Ee - ke ne ke ka mo letlelela gone ne tlaa bo a ba thusa e bile motho yo a mmatlelang motho e le mmaagwe. Nnyaya - ke ne ke ka se mo letlelela gone e le tiro ya bomme e bile Moremi a na le bokgaitsadie ba ba ka tsayang maikarabelo ao.</td>
</tr>
<tr>
<td>12</td>
<td>Fa o dira tiro ka boineelo o a atleaga/Direla batho se o batlang ba se go direla/Direla batho ba bangwe thuso go le bona ba go tswe thuso ka moso. (Dikarabo tsa batlhatlhojwa tse di nepagetseng di elwe thhoko.)</td>
</tr>
</tbody>
</table>
8.3 TERAMAKHUTSHWE: SEKOROPOLAPA

TIRWANA 5: KAEDI YA GO TSHWAYA POTSO YA TLHAMO

Mmapa wa tlhaloganyo

- Nkefi o palelwa ke go tsaya ditshwetso tse di maleba ka go lebala fa a gola, mme nako e sa mo emela ka nthla ya go jela monakaladi ruri.
- Mafenya o ipala mabala a kgaka mo go Nkefi, mme ena o gana go mo naya pelo ya gagwe gonne a re ga se wa maemo a gagwe. O dira se ka nthla ya fa a lebeletse dikhumo tsothie tsa lefatshie tse a nang natso jaaka fa rraagwemogolo e le kgosi mo Lehurutshe, a sa tlhoke sepe gonne a na le madi le ntlo e le leng ya gagwe. Nkefi se a se lebalang ke gore tsothie tse a di kaileng ga se sepe kwa ntle ga lorato lwa mokapelo.
- O ne a lebetse gore mo botshelong go na le nako ya bonyana, nako ya bokgarebe le nako ya bogodi. Nako ya bogodi e felela e le ya botsofe. Fa nako ya botsofe e gorogile, e batla gore o bo o na le batho ba ba ka go thokomelang. Nako eo fa e gorogile, ditšhelete tse di tletseng mo ntlong di ka se go direle sepe. Go botsofe lwa motho lo lo bothitho go ka go gomotsa. Jaanong ena o tlaa gomodiwa ke mange ka a bitsa banna dikoropolapa ka nthla ya dikhumo tse a nang natso?
- Ga twee mosadi fa a inama o a bo a ikantse motlokolo. Nkefi o gana go bulela Mafenya pelo ya gagwe jaana, gonne a rata Ntope e bong monna wa lelapa, mme a palelwa ke go ipatlela monna yo e leng wa gagwe nako e sa ntse e mo dumelela.
- O gogela Ntope ka dikhumo tse, tsa gagwe a sa lebelele gore ke nako ya go ipetlile botshelo jo e leng jwa gagwe ka se a se dirang ka go rata monna wa motho e le go lala mo mokgorong o sa tswalwa gonne Ntope e se wa gagwe. O palelwa ka go tsaya tšhono e a nang le yona ka nako e, gonne kamoso o tlaa lelela nako e a tshamekile ng ka yona gonne e le lefetwa, mme a gopole le ena motho yo a neng a mmitsa sekoropolapa.

52
- O tlhakatlhakantse lelapa la ga Ntope, mme fela seno ga se a ka sa tsenya thalano magareng ga bona. Seno ke tshupo ya gore o ne a itshenyetsa nako ka monna wa lelapa ka ga a ka tlogela mogatse.
- O simolola go itharabologelwa morago ga gore Ntope a amege mo kotsing ya sejanaga.
- O simolola go swa pelo gonne ga a ungwa sepe mo leratong la gagwe le Ntope ka e le gona a lemgang fa a itshenyeditse nako ka rralapa. Mafenya yo a neng a mo rata, mme ena a mmitsa sekoropolapa o setse a nyetse, mme ga a kitla a mo gadima.
- Mo botsofeng jwa gagwe o iphitlhela a le esi go se monna ope yo o mmatlang ka bontle bo ile le phafana.

TIRWANA 6: KAEDI YA GO TSHWAYA DIPOSTO TSE DIKHUTSHWANE

<table>
<thead>
<tr>
<th>No.</th>
<th>Description</th>
</tr>
</thead>
<tbody>
<tr>
<td>1.</td>
<td>Dikobe le Nkefi</td>
</tr>
<tr>
<td>2.</td>
<td>Sekolo sengwe kwa Mafikeng/Mahikeng.</td>
</tr>
<tr>
<td>3.</td>
<td>Nkefi o bitsa Mafeny a Sekoropolapa ka a ne a mo sotla gonne a ne a sa mmatle.</td>
</tr>
<tr>
<td>4.</td>
<td>Ntope o ne a nna kwa ga Nkefi a ithokomolositse lelapa la gagwe.</td>
</tr>
<tr>
<td>5.</td>
<td>O lerato - o ne a rata Nkefi ka pelo yotthe ya gagwe le fa a ne a sa mo rate/o ne a rata Mathodi. Ga a na nnete - ga a ka a bolelela mosadi gore ke ena yo o neng a bidiwa Sekoropolapa.</td>
</tr>
<tr>
<td>6.</td>
<td>Go siama ga ga mogatsa Ntope go dirile gore a tswelele go ratana le Nkefi.</td>
</tr>
<tr>
<td>7.</td>
<td>Nkefi o ne a ipela ka maruo a kwa gaabo/Rraagwemogolo ke Kgosi ya kwa Lefurutshe. O ganne motho yo o neng a mo rata e bile a batla go mo nyala. Go itshenyetsa nako ka go ratana le monna yo o nyetseng. O na le ntle e e lengleng ya gagwe. (Di le PEDI fela).</td>
</tr>
<tr>
<td>8.</td>
<td>Kutlwelobotlhoko – ka Nkefi e le moipolai yo o sa lelelweng ka dilo a di itirile ka ntlha ya go gana monna yo o neng a batla go mo nyala, mme a ikanya monna wa lelapa. Tšhakgalo – Nkefi o thubile lelapa la motho yo o siameng jaaka mosadi wa ga Ntope.</td>
</tr>
<tr>
<td>9.</td>
<td>Nnyaya – o ne a tshwane ase nang sa mogatsa Ntope nako ya go lekola monna wa gagwe ka e ne e le nyatsi. (Dikarabo tsa batlhalhojwa tse di nepagetseng di elwe tlhoko.)</td>
</tr>
<tr>
<td>10.</td>
<td>Ke ne ke ka balokola go se ikanye balekane ba batho ba ba nyetseng/ Ke ne ke tlaa ba balokola go se ikanye maruo a kwa gaabo, mme ba ipatlele balekane ba ba tlaa simololang botshele nabo. Ke ne ke tlaa mo gakolola gore fa tshono ya lenyalo e tille a e atlarele ka diaita tsoopedi. (Dikarabo tsa batlhalhojwa tse di nepagetseng di elwe tlhoko.)</td>
</tr>
<tr>
<td>11.</td>
<td>Ke ne ke tlaa mo tswelele go ipatlele lekgarebe le lengwe, mme a tlogele Nkefi ka a sa mo rate. (Dikarabo tsa batlhalhojwa tse di nepagetseng di elwe tlhoko.)</td>
</tr>
<tr>
<td>12.</td>
<td>Ke ithutile gore fa motho a sa go rate o tswe mo go ena, mme botshele bo tswelele pele/go tswa mo mothong fa a sa go rate. (Dikarabo tsa batlhalhojwa tse di nepagetseng di elwe tlhoko.)</td>
</tr>
</tbody>
</table>
8.4 TERAMAKHUTSHWE: MOSADI KE WA ME

TIRWANA 7: KAEDI YA GO TSHWAYA POTSO YA TLHAMO

- MmaTšhatšhi e bong mmaagwe Kgabele gammogo le mogolowe moswi e bong Monyana, ba thlakathakanya dilo ka ntla ya botswapelo jwa bona mo dilong tse di sa ba lebanang.
- Kgabele ke mosadi yo o tswetsweng ke bogadi le fa lenyalo la gagwe le ise le ketikiwe, fela dikgomo tsa gagwe tsona ba di amogetse tsothle. Se, se kaya fa e sa thhole e le wa bona gonne ba jele dikgomo tsa bogadi jwa gagwe.
- O kopana le kotsi ya go thulwa ke bese a itsamaela fa thoko ga tselo. Dikgogakgogano magareng ga malapa a mabedi a, di tholwa ke madi a a tshwanetsweng go duelewa a inšorense.
- MmaTšhatšhi le morwadie Monyana ba bona fa go le matshwanedi gore a bolokelwe mo lapeng la gaabo ka ba bona madi a tsile go ba tswa diatleng, mme Nkele mmatsalaagwe Kgabele o tsile go nna motho.
- Ka ntla ya madi a a tshawanetsweng go duelewa a, MmaTšhatšhi le morwadie ba ya go itsise Nkele kgang ya gore Kgabele o tshwanelwa ke go bolokelwa kwa gaabo ka a ne a adimilwe, mme a a sa tsewa semolao.
- Go na le kgogakgogano ya setopo, fela ka ntla ya madi a inšorense gonne Nkele o ne a ba itsise fa go se kgang e a ka e buang nabo gonne taolo a le ya ga Raesebo, mogatsa moswi.
- Bobedi jo, ga bo dumelane le dikakanyo tsa ga Nkele, gonne a kaya fa a se kiti a seka setopo ka a duetse bogadi jotlie, e bile a a sa ba kolote, ka jalo, setopo se le mo diatleng tsa gagwe.
- Megagaru ya ga Monyana le mmaagwe e dira gore ba fathwe ke nnete, mme ba ithamake ka gore moswi ga a tswa kwa lapeng ka lesira le bolomo, ntswa ba its e gore ka Setswana fa bogadi bo duele go kaiwa fa motho a nyetswe.
- Raesebo ena o ikaegile mo setsong sa gore mosadi ke wa gagwe ka a ntshitse bogadi, a tswa kwa ga Mmagiseterata gammogo le Kgabele, e bile ba na le setefikeite sa nyalow.
- Raesebo le mmaagwe ba fetsa ka gore Kgabele o tswela mo matikining a ba ntseng ba nna mo go ona mo dikgeweding tse thano tse di fetileng.

54
1. A- Mmatšhatšhi.
   C - Raesebo.

2. Kgabele o thokafetse, mme batsadi ba gagwe ba batla a fitlhelwe kwa gaabo ntswa a nyetswe.
   Raesebo o batla gore a fitlhelwe kwa setsheng sa bona gonne a mo nyetse.
   Maitlhomomagolo a go lwela setopo sa ga Kgabele ke ka nthla ya fa ba kwa gaabo ba batla madi a inšorense.


4. Go tsweledisa pele morero ka go letlelela ditshulaganyo tsotlhe tsa phitlho go dirwa go senola gore ruri mosadi ke wa ga Raesebo.

5. Mmatšhatšhi o ne a buisana le Monyana, mme ena a mo gakolola go dumelana le Raesebo gore Kgabele a bolokelwe kwa matikiring a bona ba tle ba dirise madi otlhe mo lekaseng.


7. O godisa kgothang ka go ema mmaagwe nokeng kgatlhanong le Raesebo.

8. Ke ne ke tlaa mo eletsa gore a tlogele bagolo go rarabolola matmatha a ba lebaneng le ona.

9. Ke ne ke tla mo thalosetsa gore ke mosadi wa me ka ke mo nyetse ka dikgomo le fa re ise re nyale ka mosese o mosweu.
   (Dikarabo tsa batlhathlojwa tse di nepagetseng di elwe tlhoko.)

10. Ke ne ke tlaa mo itumelela gonne a na le nnete, mme a sa tseye lethakore.
    (Dikarabo tsa batlhathlojwa tse di nepagetseng di elwe tlhoko.)

11. Mosekaphou ya gaabo ga a tshabe go swa lentswe/Selo fa e le sa gago, o tlaa dira sengwe le sengwe go se fithelela.
    (Dikarabo tsa batlhathlojwa tse di nepagetseng di elwe tlhoko.)

TIRWANA 8: KAEDI YA GO TSHWAYA DIPOSTO TSE DIKHUTSHWANE
8.5 TERAMAKHUTSHWE: METLHOLO GA E FELE

TIRWANA 9: KAEDI YA GO TSHWAYA POTS0 YA TLHAMO

- Ee, ditiragalo tsa teramakhutshwe, ‘Metlholo ga e fele’, di senola fa e le ruri, metlholo e sa fele fa ntlong e e mo sekhutlong ya ga Ramoopampa, e bile bo ka se tsoge bo sele, e fedile ka gope fa go yona.
- Sara o ne a ngongorega mo go Ramoopampa gore lobotana le bojang jo botalana jo ba bo jetseng ka fa morago ga lona, bo gogela baratani, e bile ba setse ba tshaba go okomela ka fa morago ga lona ka nthia ya metlholo e e sa feleng e e diragalang foo.
- Ba kaya fa bana ba bona ba bona dilo tse di sisimosang mmele le go thabisa ditlhong ka lebaka la metlholo e e diragalang ka fa morago ga lobotana.
- Ramoopampa o tswelwa kwa ntle go ya go bofolola dintšwa tsa gagwe tse di bogale, mme o retelelwana ke go di bofolola ka nthia ya fa a fitlhetsa baratani ka fa morago ga lobotana, se se senola gore ruri metlholo ga e na go fela ka fa morago ga lobotana la ntlo ya bona.
- Sara o bolelela Ramoopampa gore ga ba sa kgona go dira ditiro tsa bona ka phuthologo ka nthia digaretene tse di tsamayang tse di kgabisang lobotana la bona, le go dira metlholo e e sa feleng teng.
- Konti o tla go bega molato kwa ga Ramoopampa gore dintšwa tsa gagwe di lomile Seponono, ngwana wa gagwe. Ramoopampa o a gakgamala ka gore go ne go sena ope fa a bofolola dintšwa tsa gagwe. Tshenolo ya metlholo e e sa feleng.
- Ramoopampa o utlwa dintšwa di bogola, mme o tswela kwa ntle go tlhola gore di bona eng. O gakgamadiwa ke go fitlhela monna a sa apara mo segotlong sa gagwe. O lemoga fa e le ruri metlholo e e kitla e fela mo ga gagwe.
- Ramoopampa o tsamaya le monna yo, Mokhonto, go mo isa kwa ga gagwe. Fa ba goroga, Mpho, mosadi wa ga Mokhonto, o gakgamalela go mmona a apere diaparo tse a sa di itseng. Sesupo sa metlholo e e sa feleng.
- Sara o bona sejanaga se eme fa pele ga ntlo ya bona, mme Ramoopampa o fitlhela e le Mphodi le Manaila. O ba bolelela gore ba se ke ba tlhola ba emisa fa pele ga ntlo ya gagwe. Se, se lemotsha fa metlholo e e kitla e fela fa ga gagwe.
Mo mosong wa letsatsi lengwe, Sara o bona motho a robetse mo segotlong sa gagwe e kete o sule. Ramoopampa o mmetsa ka fenebelete, mme o ba bolelela gore ke Morwadi le gore o ne a tshaba go bolowa ke ditsotsi, ke ka moo a robetseng mo segotlong sa bona. Se, se supa fa ruri metlholo e sa fele. [25]

TIRWANA YA 10: KAEDI YA GO ARABA DIPOTSO TSE DIKHUTSHWANE

<table>
<thead>
<tr>
<th>No.</th>
<th>TIRWANA YA 10: KAEDI YA GO ARABA DIPOTSO TSE DIKHUTSHWANE</th>
</tr>
</thead>
<tbody>
<tr>
<td>1</td>
<td>Seponono - kwa ga Ramoopampa. (2)</td>
</tr>
</tbody>
</table>
| 2   | • Ntšwa e ne ya loma Seponono.  
    • Manaila o ne a nna le Mphodi mo koloing fa pele ga ntlo ya Ramoopampa.  
    • O ne a fithlha motho a robetse mo segotlong sa gagwe e kete o sule. (3) |
| 3   | Go tsamaya bosigo le go ratana le basadi ba banna ba bangwe. (2) |
| 4   | Ga e na boikhutso – Batho ba rata go iphitlha mo leboteng la teng/batho ba ka latlhela matlakala gaufi le ntlo ya gago/e ka fetoga boiphitlho jwa baratani. (Dikarabo tsa balthathlojwa tse di nepagetseng di elwe tshoko.) (2) |
| 5   | O ne a bone batho ba le babedi ba eme gaufi le ntlo ya gagwe ba nelwa ke pula. (2) |
| 6   | Ee, gonne fa mokapelo a boa kwa a neng a romilwe gona, ba ne ba kopana. (2) |
| 7   | Konti ke motho wa batho ka gore morago ga go lemoga fa morwadie a ne a le phoso, o ne a raya Ramoopampa a se ka a duela ditshenyegelo tsa ngwana wa gagwe tsa go longwa ke ntšwa. (2) |
| 8   | Botshelo jwa kwa teng bo farologana thata le ba ka mo lekeisheneng (2) |
| 9   | Nnyaya – o ne a mo dirisa fela, a intsha bodutu. (2) |
| 10  | Nnyaya – Gonne go na le kgonagalo ya gore a ka ima gape, mme lekau la tshaba.  
    Ee – Gongwe yo, a ka nyala, a aga motse a thokomela le bana. (2) |
<p>| 11  | Ee – E siame gonne o ne a leka go bontsha baagisani gore ke ngwana wa gagwe a leng phoso. (Dikarabo tsa balthathlojwa tse di nepagetseng di elwe tshoko.) (2) |
| 12  | Ke mmangwana o tshwara thipa ka fa bogaleng. (Dikarabo tsa balthathlojwa tse di nepagetseng di elwe tshoko.) (2) [25] |</p>
<table>
<thead>
<tr>
<th>Dithokego</th>
<th>Phitlhelelo ka dinaledi</th>
<th>Phitlhelelo ka matsetseleko</th>
<th>Phitlhelelo ka tekano</th>
<th>Phitlhelelo e e thaelang</th>
<th>Ga a fitlhelela</th>
</tr>
</thead>
<tbody>
<tr>
<td><strong>DITENG</strong></td>
<td></td>
<td></td>
<td></td>
<td></td>
<td></td>
</tr>
<tr>
<td>Thanolo ya setlhogo</td>
<td>12–15</td>
<td>9–11</td>
<td>6–8</td>
<td>4–5</td>
<td>0–3</td>
</tr>
<tr>
<td>Ngangisano e e tseneletseng, katholo le go thaloganya setlhanglewa</td>
<td>-Tsibogelo ka dinaledi: 14–15</td>
<td>-O bontsha go thaloganya, gape o ranotse setlhogo setle</td>
<td>-Thanolo ya setlhogo e e mo magareng, ga se diponagalo tsothie tse di tlhagisitsweng ka botlalo</td>
<td>-Thanolo ya setlhogo e e thaelang ya setlhogo, ga go na le diponagalo dipete di tlhagisitsweng ka botlalo</td>
<td>-Setlhogo ga se thaloganganwwe</td>
</tr>
<tr>
<td></td>
<td>-Tsibogelo e e manontlhotlho: 12–13</td>
<td>-Tsibogelo e e lekalekanang ya dintla</td>
<td>-Go na le dintla dingwe tse dintle tse di tshegetsang setlhogo</td>
<td>-Go dintla di le mmalwa tse di tshegetsang setlhogo</td>
<td>-Maiteko a a bokoa a go araba potso</td>
</tr>
<tr>
<td></td>
<td>-Thanolo e e tseneletseng ya setlhogo</td>
<td>-Dintla tse di utwalang tsa ngangisano, fela ga se tsothie tse di tshegeditsweng jaaka go ne go tshwanetswe</td>
<td>-Dintla dingwe tsa dingangisano di tshegeditswe, mme fela bosupi ga bo dumeleseke ka metha</td>
<td>-Dintla tsa ngangisano tse di maleba di dinnye thata</td>
<td>-Dintla tsa ngangisano di tsothie tse di maleba di dinnye thata</td>
</tr>
<tr>
<td></td>
<td>-Motseletsele o o itumedisang wa dintla tsa ngangisano, di tshegediwa ka botlalo go tswa mo dikwalong</td>
<td>-Go thaloganya mofutakwalo le setlhanglewa go go manontlhotlho</td>
<td>-Tlhagantse bonthabongwe jwa mofutakwalo le setlhanglewa</td>
<td>-Gothalaganya mofutakwalo le setlhanglewa go go manontlhotlho</td>
<td>-Morutwana ga a kgona go thaloganya mofutakwalo kgotsa setlhanglewa</td>
</tr>
<tr>
<td>15 MADUO</td>
<td></td>
<td></td>
<td></td>
<td></td>
<td></td>
</tr>
<tr>
<td>Thanolo ya setlhogo</td>
<td></td>
<td></td>
<td></td>
<td></td>
<td></td>
</tr>
<tr>
<td>Ngangisano e e tseneletseng, katholo le go thaloganya setlhanglewa</td>
<td></td>
<td></td>
<td></td>
<td></td>
<td></td>
</tr>
<tr>
<td></td>
<td></td>
<td></td>
<td></td>
<td></td>
<td></td>
</tr>
<tr>
<td></td>
<td></td>
<td></td>
<td></td>
<td></td>
<td></td>
</tr>
<tr>
<td></td>
<td></td>
<td></td>
<td></td>
<td></td>
<td></td>
</tr>
<tr>
<td></td>
<td></td>
<td></td>
<td></td>
<td></td>
<td></td>
</tr>
<tr>
<td></td>
<td></td>
<td></td>
<td></td>
<td></td>
<td></td>
</tr>
<tr>
<td>KAGEGO LE PUO</td>
<td>8–10</td>
<td>6–7</td>
<td>4–5</td>
<td>2–3</td>
<td>0–1</td>
</tr>
<tr>
<td>---------------------------</td>
<td>---------------------</td>
<td>--------------------</td>
<td>--------------------</td>
<td>--------------------</td>
<td>--------------------</td>
</tr>
<tr>
<td>Popego, kelelo e ethaloganyegang le tlhagiso</td>
<td>Popego e e lomaganeng</td>
<td>-Kagego e e tlhamaletseng le kelelo e e utlwalang ya ngangisano</td>
<td>-Go na le bosupi jwa kagego</td>
<td>-Popego e supa thulaganyo e e fosagetseng</td>
<td>-Go tlhokagala ga kagego go kgoreletsa kelelo ya ngangisano</td>
</tr>
<tr>
<td>Puo, segalo le setaele tse di dirisitsweng mo tlhamong</td>
<td>Matseno le bokhutlo di manonthotho</td>
<td>-Matseno, bokhutlo le ditemana dingwe di rulagantswe sentle ka tomagano</td>
<td>-E a thaloganyega le go lomagana fela e na le diphoso</td>
<td>-Dinthla tsa ngangisano ga di a rulaganngwa sentle</td>
<td>-Diphoso tsa puo le setaele se se fosagetseng di thola sethlangwa se se sa atlegang</td>
</tr>
<tr>
<td>10 MADUO</td>
<td>Kagego e e tlhamaletseng le kelelo e e utlwalang ya ngangisano</td>
<td>-Kelelo e e utlwalang ya ngangisano</td>
<td>-Diphoso di le mmalwa tsa puo, segalo le setaele tse di nepagetseng go le go ntsi</td>
<td>-Diphoso tsa puo di a bonala</td>
<td>-Segalo le setaele tse di seng maleba</td>
</tr>
<tr>
<td></td>
<td>Bogolo puo, segalo le setaele di nepagetsese</td>
<td>-Bontsi jwa ditemana di nepagetsese</td>
<td>-Bontsi jwa ditemana di nepagetsese</td>
<td>-Ditemana di fosagetsese</td>
<td>-Diphoso tsa puo le setaele se se fosagetseng di thola sethlangwa se se sa atlegang</td>
</tr>
</tbody>
</table>

| SEELO SA MADUO           | 20–25               | 15–19              | 10–14              | 5–9                | 0–4                |

59
Kaedi e ya goto ithuta terama e rulagantswe ke maloko a a latelang:

Botsang Patricia Lekome
Phala Christopher Mooa
Itumeleng Brodrick Moloko